



蘭雪堂古事苑

元

43
201
1



門加
號201
卷

周
書
卷
之
一

古事類序

蓋間一畫子靈兩儀分此軀
星怒生出象丸蹠剖閻會之
夙何世而不新也何事而弗古
焚胥目煎采旺司視或不能殫
黃虞而降毛錐子墨不可悉窮

明治三十八年九月十四日
市島海老氏寄贈

東
山
書
庫

與先師特總問與魯辭而先以博猗
與與魯蜀揚子謂通无地以而舍
曰需是曰崇雅出倫藹二西
恐挂一漏萬有餘曠觀出士睇
眄子歟欲言在耳三不朽認躡

聽曰惡身陋取蕭吳出貽喙辨
臺駘為沙神叢翕古孫之見賞
稗史澱濬曠典蘇菴之萬卷殿
於宵中方十襄成舌腕下及
景南氏菽苑丈以詞壇高品不
隄不狷夾史亦否挫詮古事出

白眉已來海內之青眼茲披百
家典故綴曰卯翰豔碎貫五編
球和人龍宮出見室引商刻羽
若瘞桂闕之韻光接太乙藜光
銷沈不知歲月窺瓦壘厥朝歷
閱幾許睿燂齏業架卓出書

側邊生腹中出穢齋穿月露依
稀太玄亭上州揜昧風靈宛轉
文通筆底筆托品隳于易燂官
成反裏三唐寄彈射於月旦誰
識雙中一人次以序編貽諧同
好俾搽觚峇拈對兼用盒玉具

相令嗜古峇流覽還見百莛奪
目不和枕中出秋用播流德試
看國門出縣飲為增減不佞菲
才好茲往帙久會姦字於芸編
求吳及生偶接營穀于蘭契受
斯雅集而交讀敬駢鄙言於簡

端

全學潭曷余獲以陟瞻甫撰

卷林韞德基履亭氏書



例言

一多識爲畜修德之方博學不窮待問之要既有貴於
閱覽寧無藉乎羣編是書條類詳明辭章簡要華而
不靡約而能該玉律金科誠爲擅美予不揣疎淺漫
加增刪匪敢托爲名高實冀助於後學云爾

一經國之業論自魏文鎔裁之章著於劉勰博聞還期
約取學古尤貴通時是書各篇間有一事而重前疊
後亦有一語而彼異此同或惇乎當時或疑於往昔
特爲訂正云其浮煩義存乎精文適於用讀者可挈

綱而循紀亦佩實而銜華矣

一道元之於水經詳援確證孝標之於新語博引旁綜
欲剖判夫正文必廣加乎引註原本是書俱用旁訓
事端淺顯皆爲註明文物僻奇尚多掛漏限於短幅
殊非大觀茲將四六駢語載於前古事類註附於後
同家李潔澄師曾遐搜逖覽增釋補遺旣經緯之咸
宜復源流之共貫令初學者口誦而卽可心維開編
而咸能曉義

一羣豕渡河文變而義謬於穆不祀音誤而理乖非加
校讐之功難免傳譌之失茲夙興夜寐殫力窮紕稽
古咨今精心訂舛斟酌靡憾毫髮無疑則握管敷詞
不致用夫淮雨撫言輯略無待正其陶陰不同邢子
才之誤書竊比蔡中郎之碑州

一繙經披籍有事懷鉛讀易玩占嘗聞滴露使不分其
句讀殊未便於覽觀茲特圈點有加庶幾咕嗶無錯
明如視掌大義昭於行間朗若列眉微言顯於楮內
非同誦檀弓之佞也誤語已終觀周誥之哉生疑文
連上則賞奇而自易亦析義而無難

一禮詳儒行辭語以繁詞詩載郊風聯章以積句非徒
芟繁就簡亦貴博說該情茲編人同而類異者不妨
兩存事異而人同者亦或並列則述之至備可無互
證於他書覽之無遺不必廣尋夫別部洵文人之綉
綴衣被無窮學者之山淵採漁莫盡已

瀾石氏譜

蘭雪堂古事苑定本目錄

饒安 鄧志謨景南 編輯

古閩 余應虬步瞻 校閱

戴 珉潔澄

西泠 戴 璉瀾石 叅訂

戴 琰師曾

一卷

天文

地理

時令

二卷

君道

文職

武職

三卷

倫行

宗族

朋友

師生

賓主

首卷至此

四卷

英賢

廉潔

忠直

恬淡

力量

勇敢

古事苑

目錄

二

南華堂

南華堂

五卷

幼穎

耆英

婚姻

女子

寵妾

妓女

六卷

人品

人事

傷逝

式卷至此

七卷

文章

學術

技藝

仕進

富貴

貧賤

薦拔

亨達

八卷

仙佛

神仙

梵釋

鬼神

九卷

形體

丰美

醜劣

衣服

珍寶

宮室

參卷五

十卷

文具

武具

樂具

雜具

十一卷

飲饌

蔬菜

穀食

果品

百花

泉木

羣草

十二卷

飛禽

走獸

畜產

水族

昆蟲

共文行忠信四本

趙光電白檢為天上

風公... 雲... 蓋... 榭... 臺... 露... 潤... 池... 金... 葦... 甘... 雨... 除... 非... 始... 射... 之... 山... 瞻... 放...

十一卷

欽定四庫全書

昆蟲

四卷

水藻

膏蠶

去蠟

派禽

十二卷

蘭雪堂古事苑定本卷之一 文字本

饒安

鄧志謨景南

編輯

戴 珉潔澄

西泠

戴 璉瀾石

蔡定

戴 琰師曾

天文

天曰大圓日稱陽德列缺是廻光疾電白榆為天上衆
星涿鹿野中雲絲分華蓋栢梁臺上露潤浥金莖甘雨
和風必是華胥之國碧霜紺雪除非姑射之山瞻放勳

天文

蘭雪堂

之天魏魏蕩蕩望春陵之氣鬱鬱蔥蔥女媧煉石補穹
 蒼撥開煙霧博望乘槎汎河漢搖動星辰附寶孕而赤
 電繞樞荆軻歌而白虹貫日颺神鼓浪爰居避渤海之
 風電氣蒸山石燕舞零陵之雨越犬向鵝毛雪中號走
 溟鷗從羊角風上扶搖束先生禱三日霖僉謂精誠畢
 至張道士作五里霧咸稱法術頗精天街上雨潤如酥
 仙苑中露甘似乳魯邦政弱三冬無殺草之霜安邑化
 醉九夏絕損禾之雹蘇武嚙海邊之雪寒沁忠脾宋人
 負簷外之暄煖融貧骨白衣蒼狗妙哉杜老之喻雲縞

帶銀杯巧矣韓公之咏雪御史雨旣沾旣足鄭公願
 往一來三言退癸惑哲后無凶一箭落欃槍妖人不吉
 轅門外冬無積雪由軍屯之喜氣而銷陸地上夏有嚴
 霜是忠烈之怨懷所結歷稽造化不盡編摩天氣輕清
 不墜杞人之獨憂也奚爲日輪迅速如飛夸父之欲追
 焉何及

唐文選云恢恢大圓類書云日爲陽德又曰陽景
 文選云列缺曄其照夜列缺者天隙電照也古詩有云天
 上何所有歷歷種白榆史記黃帝與蚩尤戰於涿

鹿之野有五色雲氣金枝玉葉結花葩之象覆於帝
 上因作華蓋漢武起柏梁臺作金莖上有仙人掌
 擎玉杯承露和玉屑飲之云可長生黃帝夢至華
 胥之國民人樂育其國和風甘雨姑射山仙山名
 在海中其中皆碧霜紺雪非人間所有者射音漢
 光武生赤光照室影如五麟七鳳望氣者見春陵城
 郭曰佳哉鬱鬱蔥蔥通鑑云共工氏與祝融氏戰
 不勝頭觸不周山而死天柱折地維缺女媧氏乃煉
 五色之石以補青天云媧音漢張騫封博望侯使

西域往尋河源乘槎直汎斗牛之間帝王世紀黃
 帝之母附寶見大電光繞北斗樞星感之而孕二十
 四月乃生帝日角龍顏燕荆軻入秦刺秦王太子
 丹送於易水之上荆軻爲壽歌曰風蕭蕭兮易水寒
 壯士一去兮不復還時精誠感天白虹貫日嶺表
 錄云南海秋夏間有雲物如虹長六七尺見則颶風
 必發故曰颶母其風一發雞犬不寧颶音具國語
 海鳥曰爰居止魯東門之外臧文仲使國人祭之展
 禽曰今茲海其有災乎廣川鳥獸恒智而避其災是

歲海多大風。地輿志云零陵山多石燕。遇風雨起。而羣飛。雨止仍復為石。越地多溫氣。冬少雪。每有雪。羣犬驚吠。倉皇者連日不止。莊子逍遙篇北冥有魚。其名為鵬。鵬之背不知其幾千里也。化而為鳥。其名為鵬。鵬之徙於南冥也。水擊三千里。搏扶搖羊。垂天之雲。鵬之徙於南冥也。水擊三千里。搏扶搖羊。角而上者九萬里。去以六月息者也。行風晉東。哲天旱禱雨。雨大降。民歌曰。東先生通神明。請天三日甘雨霖。我黍以育。我稷以生。何以酌之。報東先生。

後漢張楷字公超。隱居弘農。學者隨之所居成市。能為五里霧。後華山南遂有公超霧市。天街小雨潤如酥。坡公詩。地輿志云。凡仙苑中露甘似乳。號天乳。唐人賀甘露表云。神漿可挹。流珠九戶之前。天乳自零。凝照三階之下。左傳魯僖公即位。隕霜不殺草。為嗣君微弱。臣威強故也。漢韓稜為下邳令。鄰縣皆電殺傷禾稼。惟稜有德政。其縣境獨無詔書。褒美之。漢蘇武使邊。羈身邊外。武不屈。飡糲雪。嗜同蔽音陵沁。列子昔宋國有田夫。常衣縕袍。僅七禁切。侵去聲。天文。

以過冬。暨春自曝於日。不知天下之有廣廈溫室。綿
 續狐貉。顧謂其妻曰。負日之暄。人莫知其美者。以獻
 吾君。將有重賞。聞者笑之。杜詩云。天上浮雲如白
 衣。斯須改變成蒼狗。蓋言人情變態。世事遷移之意。
 韓公咏雪詩云。隨車飈縞帶。逐馬散銀杯。唐顏
 真卿為御史時。平原有冤獄。久不決。天大旱。真卿到
 郡。決獄而雨。時人呼為御史雨。會稽錄云。射的山
 南有白鶴山。此鶴為仙人取箭。鄭弘嘗採薪於此。得
 一遺箭。頃有人來覓。弘還之。問何所欲。弘知其神人。

也。乃曰。患若耶溪載薪為難。願且南風。暮北風。後果
 然。至今如故。呼為鄭公風。宋景公時。熒惑守心。子
 韋曰。此凶星也。禳當君可移於相。公曰。宰相所以共
 理國家。曰。可移於民。公曰。民死將誰為君。曰。可移於
 歲。公曰。歲饑民必死。子韋曰。君有德言者三。其熒惑
 必徙矣。果徙三舍。瑞星曰。景星亦曰德星。形如半
 月。助月為明。妖星曰孛星。曰彗星。亦曰櫬槍。櫬槍長
 星也。俗云掃帚星。櫬初銜切。插平聲。櫬音鏘。唐李紳鎮揚州。章
 孝標賦春雪詩有云。朱門到晚難盈尺。盡是三軍喜。

氣銷紳覽而奇之。淮南子云：鄒衍忠於事，燕王惑於讒，繫衍於獄，衍仰天而哭。夏五月，天為之降霜。列子云：杞人有憂天墜者，身無所寄，廢於寢食。有曉之曰：天積氣耳，奈何而崩墜乎？其人曰：天果積氣，日月星辰不當墜也。曉者曰：日月星辰亦積氣之有光耀者，縱使墜，不能中傷其人，始釋。列子夸父欲追日影，逐之於暘谷，渴欲得飲，將北飲，大澤未至，道渴而死，棄其杖，膏肉所浸，生鄧林，彌廣數千里云。

天文二

天說：焰摩虹云挈貳義和實為日御，織女固是天孫，陰氣不消，玉兔儲精，當月窟陽剛，弗熄燭龍，啣火照天門。中台為鼎，鼐之司東壁，是圖書之府，星分前後，太子及庶子可占。雷辨雌雄，早年與潦年互見，彩雲橫碧漢，下隱賢人，青氣屬蒼穹，中藏奇女，暑清唐殿，水晶盤內出，寒冰澤灑堯封，瑪瑙甕中分，瑞露魯陽苦戰，揮西日日返，戈頭諸葛神機，祭東風，風迴燾下，四時分稷書魯僖，臺上之雲，五夜光輝，愛庾亮樓中之月，民不饑禾，今有

雨國無亂木也無冰成帝封威屬五侯四郊濃霧商王
 責朕躬六事千里甘霖融雪汁而烹茶陶學士許多風
 味吸露華而潤肺楊貴妃別樣精神憶友興濃雪夜汎
 王生之掉感親念切霜晨操尹子之琴狄公洗日者功
 宏韓相捧天者夢好雨金雨粟允是奇聞擊柱擊碑孰
 非異事雪飄瑞葉立神撒下瓊瑤霜縷奇花青女布成
 圖畫風可解重華之愠雲堪紀黃帝之官少微宿隕知
 處士之窮年太白星明胡文人之瑞世衛國伐邢偏致
 雨天意攸存楚王圍漢忽遭風帝心有在

焰摩天者玉帝所居之天爾雅蠓蝮虹也雄曰虬
 雌曰霓一名挈貳山海經云東南海外有羲和之
 國有女子名曰羲和是為日御織女天帝之孫故
 織女曰天孫張衡靈憲云日陽精積而成鳥象鳥
 者陽之精其數奇月陰精積而成獸象兔者陰之類
 其數偶山海經云鍾山有神視為晝瞑為夜名曰
 燭龍天不足西北無陰陽消長故有龍啣火以照其
 天門三台星中台為公卿東壁星主天下圖書
 明則人君好文圖書集故唐張說詩云東壁圖書府

西園翰墨林。晉天文志三星天王正位也。中星曰明堂正位。前星太子星。後星庶子星。師曠曰雷初發其音格格。霹靂者乃雄雷。旱氣也。其音依依不大。霹靂者乃雌雷。水氣也。京房易候曰四方常有。大雲五色具而不雨。其下有賢人隱焉。漢武東幸見有青氣屬天。占者曰必有奇女。往視之。見一女在巖穴中。手皆拳。眾劈之不開。帝自披之。乃開。納為妃。號拳夫人。唐文宗夏月間。以水晶盤盛冰。賜羣臣。合殿中無暑。十洲記云黃帝時丹丘國獻瑪瑙甕甕

中注甘露。至堯時猶未竭。號寶露。淮南子魯陽公與韓構難。戰酣日暮。援戈揮之日返三舍。周瑜欲發兵破曹。冬月間無東風。瑜患之。諸葛亮乃登壇祭之。瑜視旗。纛皆飄而西。因大驚焉。周保章氏以五雲之物辨吉凶。水旱豐荒之祲象。雲氣青為蟲。白為喪。黑為水。赤為兵。黃為豐年。祲音浸。義同。魯僖元年分至日登臺書雲物。晉庾亮鎮武昌。中秋夜。佐吏殷浩之徒。乘月登南樓。嘯咏。亮忽至。眾欲散。亮曰老子興亦不淺。據胡牀。談詠至旦。胡牀交椅也。晉武朝十

一月陰霧凝凍封樹木旬日不解范曄以為水冰亦
 謂之樹稼又謂之樹介介兵象也果爾應邊境之亂
 漢成帝時外戚王氏五人同日封侯其日黃霧四
 塞成湯時大旱湯禱於桑林以六事自責曰政不
 節歟民失職歟宮室崇歟女謁盛歟苞苴行歟讒夫
 昌歟禱畢大雨徧數千里宋陶穀得黨家姬冬月
 取雪水烹茶與姬飲問姬曰黨家有此樂否姬曰彼
 武人安有此但於銷金帳中飲羊羔酒耳穀大慚
 開元遺事貴妃宿酒初消苦肺熱晨遊後苑口吸花

露以潤肺世說王子猷居山陰夜大雪眠覺開室
 命酌酒四望皎然因起彷徨詠左思招隱詩忽憶戴
 安道時戴在剡即便夜乘小船就之經宿方至造門
 不前而返人問其故王曰吾本乘興而來興盡而返
 何必見戴安道耶尹吉甫聽後妻之言逐孝子伯
 奇伯奇自傷無罪清晨履霜援琴鼓之因作履霜操
 唐狄梁公贊云洗日虞淵宋韓琦夢以手捧天
 者再其後援英宗於藩邸翼仁宗於東宮帝王世
 紀云大禹時天雨金蒼頡時雨粟晉夏侯玄倚柱

讀書暴雷擊破其柱衣服焦然真神色自若○宋宣
 和殿立姦黨碑害於忠良忽一夕雷擊碎之衆稱快
 述異記云雪乃天上瑞木開花○玄神玄冥司冬
 之神○宋慶曆中秀州屋瓦上有霜成花如牡丹芍
 藥海棠萱草之類枝葉皆具○青女司霜之神○史
 記黃帝以雲紀官謂之雲師如緡雲氏則一官也○
 檀道鸞續晉陽秋曰會稽謝敷字慶緒隱若耶山忽
 月犯少微星少微一名處士星時戴逵名重於敷時
 人憂之俄而敷死故會稽人士嘲之曰吳中高士求

死不得○太白星西方宿名長庚也李白生其母夢
 太白入懷故字曰太白○左傳衛大旱甯莊子曰昔
 周饑克殷而年豐今邢無道天或者欲使衛討邢乎
 衛侯從之興師而雨○史記楚圍漢於滎陽忽大風
 起揚沙斃石楚軍大亂漢王乃得以數十騎遁去

其亦如湯二辯士論天有頭有足者之日發之辨謂公

述異記云雪乃天上瑞木開花
 玄神玄冥司冬
 賦母心變不裝軍大厲黃王代餘以幾十
 齋到炎之典而雨
 史疏發圍黃炎榮則感大風
 周禮京焉而平豐今無
 太白人刺姑寧曰太白
 式神論大旱海基子曰昔
 我不昏
 太白星西入南
 與由李自主其母夢

天文 三

雷聲發響玉虎晨鳴月魄流光銀蟾夜度曰颺曰颺曰
 扶搖執嘘吸是執披拂是曰霹曰凍曰霖霖我沾濡斯
 我潤澤斯寒冽斗杓邊清不滄於沆瀣馳驅雷部下急
 莫急於律令月離畢而雨候將微星孛辰而火災乃見
 靈露出令震驚乾坤太乙司權鼓鑄造化兩奚童爭日
 如盤如湯二辯士論天有頭有足盾之日衰之日試分
 其赫赫融融君之天民之天不謂之蒼蒼莽莽時雨漂
 梁殿灑潤飛甘薰風入舜絃阜財解慍嶺州霜甘且碧

化國日舒以長若幢若蓋客占天子之雲如鏡如鈎人
 望使君之月大風入夢舉賢相於帝庭積雪侵肌臥忠
 臣於邊地滂沱者數日淋明皇車上之鈴霹靂兮一聲
 失先主手中之筋雲犇鐵騎杜句可嘉電掣金蛇蘇詩
 有味五星聚東井漢高之業忽興兩日盪中天宋祖之
 基崛起苟陳聚而德星爛朱陸談而文雷鳴孔子成春
 秋長虹化玉梁僧講佛法天雨飛花雉風拂宋王之襟
 有懷倍爽湛露沾周王之宴不醉無歸
 唐彙函云兜率以雷聲作歌頌音闔浮提以雷聲作

海潮音道家則以雷聲作玉虎晨鳴五經通義云
 月中有兔與蟾蜍兔陰也蟾蜍陽也而與兔並明陰
 係於陽也爾雅云微風曰颺風疾風曰飈風亦曰
 扶搖颺同飈音搜 颺同焱音標莊子云風一西一東孰嘘吸是
 孰披拂是藝文云暴雨謂之凍小雨纔落曰霽雨
 又雨之小者曰霖霖詩云益之以霖霖既優既渥霖音
 斯霖音麥杓斗柄也沆瀣北方夜半寒涼之氣唐
 文粹云金莖沆瀣清絕無塵瀣音搜神記云律令
 雷邊小鬼善疾走故道家咒符者輒云急急如律令

詩云月離于畢俾滂沱矣蓋畢宿喜雨故云左
 傳昭公十八年有星孛于辰申須曰諸侯其有火災
 乎鄭裨竈曰鄭若用確筮玉瓚厭之必不火子產曰
 天道遠人道邇非爾所及也 靈露雷師太乙司造
 化之神 孔子出遊見兩小兒辨日一曰日初出如
 車輪其中時乃如盤此遠者小近者大一曰日初出
 時蒼蒼涼涼其中時如探湯此近者熱而遠者涼孔
 子不能決焉 蜀志曰吳使張溫來聘溫問秦密曰
 天有頭乎密曰有頭在西方詩云乃瞻西顧溫曰天

有耳乎密曰天處高而聽卑詩云鶴鳴於九臯聲聞
 於天溫曰天有足乎密曰詩云天步艱難若其無足
 何以能步溫曰天有姓乎密曰姓劉溫曰何以知之
 密曰其子姓劉以此知之 左傳鄆舒問於賈季曰
 趙衰趙盾孰賢對曰趙衰冬日之日也趙盾夏日之
 日也 冬日之日可愛 夏日之日可畏 說苑齊桓公問管仲君何所
 貴對曰貴天桓公仰觀天仲曰非蒼蒼莽莽之天也
 君人者以百姓為天耳 梁大同中驟雨有襍色寶
 珠虞寄上瑞雨表云飛甘灑潤玉散珠聯 山海經

云。嶠州之霜色碧。其味甘甜。潛夫論云。化國之日舒以長。亂國之日促以短。史記。范增說項羽曰。吾望沛公。其上有雲如車蓋。為龍虎成五采。此天子氣也。王十朋上郡守詩云。人望使君如望月。但須如鏡。莫如鈎。帝王世紀。黃帝夢大風披拂道路之塵。因舉風后為相。其國大治。阜財解慍養種。唐明皇避祿山之亂。西幸蜀。入斜谷。霖雨彌旬。於棧道中。聞鈴聲與山相應。悼念貴妃。因採其聲為雨淋鈴之曲。以志深恨焉。華陽國志。曹操嘗與劉先主共坐。

從容謂先主曰。天下英雄。惟使君與孤耳。本初之徒。不足數也。先主方食。聞雷失匕。筋曰。聖人言。迅雷必變。良有以也。一震之威。乃至於此。杜牧詩云。雲犇鐵騎。千山合。雨挽銀河。一夜傾。電光時掣紫金蛇。坡公詩。漢高祖紀。元年冬十月。五星聚東井。蓋東井。秦分野。五星聚其處。故應漢祖之興云。宋太祖將受命時。日下復有一日。黑光摩盪。苗訓善觀天文。指示楚昭輔曰。此天命也。是夜果陳橋兵變。世說。陳仲弓。詣荀季和。貧儉無僕役。乃使元方將車。季方

持杖後從長文尚小載著車中既至荀使叔慈應門
 慈明行酒餘六龍下食文若尚小坐著膝前於時德
 星聚太史奏五百里內有賢人聚陸象山與朱文
 公講道白鹿洞中時白晝雷鳴孔子修春秋著孝
 經既成有赤虹自上而下化為黃玉上有刻文孔子
 乃跪而受之梁高僧講經於同泰寺時天雨寶花
 繽紛而下宋玉風賦楚襄王遊蘭臺之宮有風颯
 然而至王披襟當之曰快哉此風宋玉曰此獨大王
 雄風耳庶人安得共之詩云湛湛露斯匪陽不晞

厭厭夜飲不醉無歸

天文四

雪花六出瑞應豐年星象三台祥符顯秩參在卯商在
 酉厥位攸分畢好雨箕好風其躔自別八風忽動萬竅
 怒號四象相推羣生樂育通明殿上紅雲擁玉帝之居
 溟渤海中明月射鮫人之室礮車雲起江頭賈客收帆
 舶趁風生海上商人返棹雷部舉謝仙火遺來破柱之
 斤銀河停織女梭擲下支枝之石滹沱冰凍却知光武
 已無虞牛渚月明誰識袁宏偏自樂白雪舞庭前之柳
 絮謝女吟詩絲雲結野外之花葩軒轅作蓋太行雲悲

生○游○子○藍○關○雪○愁○絕○孤○臣○風○動○試○傳○聲○簷○角○動○岐○王○之○
 鐸○月○斜○還○有○影○樓○頭○照○江○泌○之○書○惠○露○沾○吳○民○歌○郡○政○
 使○星○入○蜀○客○問○京○輶○深○邃○九○閣○開○陶○侃○快○天○門○之○入○婆○
 娑○數○娥○舞○明○皇○喜○月○殿○之○遊○戴○星○出○戴○星○入○勤○矣○巫○君○
 之○作○宰○御○風○往○御○風○還○飄○然○列○子○之○登○仙○吳○公○敬○天○帝○
 怒○時○程○子○知○雷○公○起○處○趙○雲○如○牛○魯○雲○如○馬○秦○雲○如○行○
 人○孰○非○造○化○微○機○箕○宿○孕○說○昂○宿○孕○何○庚○宿○孕○李○白○總○
 是○乾○坤○瑞○氣○飲○墜○露○於○楚○畹○方○嗟○屈○子○之○清○乘○白○雲○於○
 帝○鄉○更○羨○唐○堯○之○逸○

事○文○類○聚○云○凡○花○屬○陽○皆○五○出○惟○雪○花○六○出○屬○陰○故○
 也○六○出○即○六○瓣○天○文○志○云○魁○下○六○星○兩○兩○而○比○者○
 曰○三○台○在○人○則○為○三○公○左○傳○高○辛○氏○有○二○子○伯○曰○
 關○伯○李○曰○實○沈○日○尋○干○戈○以○相○征○討○上○帝○遷○關○伯○於○
 商○丘○主○辰○遷○實○沈○於○大○夏○主○參○箕○畢○二○宿○名○箕○主○
 風○畢○主○雨○尚○書○洪○範○云○庶○民○惟○星○星○有○好○風○星○有○好○
 雨○八○風○者○冬○至○廣○漠○風○立○春○條○風○春○分○明○庶○風○立○
 夏○清○明○風○夏○至○景○風○立○秋○涼○風○秋○分○閭○闔○風○立○冬○不○
 周○風○四○象○青○龍○屬○春○朱○雀○屬○夏○白○虎○屬○秋○立○武○屬○

冬卽四時也。東坡詩云：侍臣鵠立通明殿，一朵紅雲捧玉皇。通明殿，玉帝所居殿。鮫人居海中，織綃出賣於人間者。宋鮑參月賦云：射鮫人之室，兮波光澄。國史補云：暴風之作，有礮車雲起。故坡詩有云：今日江頭天色惡，礮車雲起風欲作。風俗通云：吳中五月時，東南風謂之舩。舩，音白。神而得之。舩音掉。宋真宗朝，玉真觀爲天火所焚，惟留一柱，有謝仙火三字。有道士過曰：謝仙者，雷部鬼也。視柱間有一斧，乃雷斧也。述異記云：昔有人

尋河源，見一婦人浣紗，問之曰：此天河也。抱一石而歸，問嚴君平，君平曰：此織女支機石。光武爲王郎所追，至滹沱河，吏曰：無船。王霸曰：冰堅可渡。比至河，水果合人騎渡，畢其冰乃解。晉謝尚秋夜汎牛渚，會袁宏在舟中，笑咏謝問之曰：袁臨汝，卽遂過袁舟，談論達旦。世說謝安冬月，葉子女論文，會大雪，公曰：白雪紛紛何所似？兄子朗曰：撒鹽空中，差可擬。女姪道韞曰：未若柳絮因風起。安大喜曰：柳絮才高，不道鹽。軒轅作蓋。唐狄仁傑登太行山，反顧白雲。

孤飛曰吾親舍其下徘徊瞻悵久之青瑣集韓退之姪湘有仙術退之在朝暇日湘種頃刻花上擁出一聯云雲橫秦嶺家何在雪擁藍關馬不前未幾退之言佛骨貶潮州至藍關遇雪道窮馬不能行俄有一人冒雪而來乃湘也始憶花上之句嗟嘆久之爲續其詩開元遺事岐王宮於竹林內懸碎玉片每夜聞相觸之聲卽知有風名古風鐸北齊江泌苦學家貧無油夜嘗對月而讀月斜去猶倚梯於樓頭挹月光讀之唐文粹美郡守碑云惠露沾吳仁風

扇越後漢和帝遣二使觀風俗李邵知天文術夏夜露坐因問二使曰君發京師知二使來乎二人驚問故邵曰二使星今臨益州是以知之軫音陶侃夢生八翼飛而上天見天門九重登其八惟一門未得入後爲八州都督唐明皇與葉靖天師同遊月宮見素娥十餘人舞於大桂樹下呂氏春秋云宓子賤尹單父鳴琴不下堂而治巫馬期戴星出入而單父亦治巫馬期問其故宓曰子任力我任人任力者勞任人者逸莊子逍遙遊篇夫列子御風而行

冷然善也。旬有五日而後返。藝文志云：吳武陵曰：雷研電射天之怒也，不可不敬。邵子謂程子曰：子知雷起處乎？程子曰：某知之。堯夫不知也。堯夫曰：子以為起於何處？程曰：起於起處。堯夫乃矍然稱善。兵書云：趙雲如牛，楚雲如日，宋雲如車，魯雲如馬，衛雲如犬，秦雲如行人，齊雲如絳衣，蜀雲如倉囷。其各國之分象不同如此。事文云：傳說孕箕宿而生蕭何，孕昴宿之精而生李太白，孕長庚星而生自古賢哲之降生，其不偶蓋如此。楚辭：朝飲木蘭之墜露。

公。夕。飡。秋。菊。之。落。英。史記：華封人謂堯曰：夫聖人鶉居而穀食，天下有道與物皆昌，乘彼白雲，至於帝鄉。

職

醇○品○而○躋○食○天○可○飲○與○必○皆○昌○乘○遊○白○雲○至○於○帝
公○人○食○煉○茶○之○蕊○英○ 史○詩○華○佳○人○晴○裏○日○夫○聖○人

地理

明○主○當○陽○邊○無○舉○燧○聖○王○御○世○海○不○揚○波○秦○地○關○河○百
二○重○於○今○猶○爾○呂○梁○懸○水○三○十○仞○從○古○已○然○王○氏○洗○硯
池○尚○留○墨○汁○關○公○拖○刀○額○不○沒○鋒○痕○金○城○湯○池○美○矣○并
州○之○形○勝○蠶○叢○鳥○道○異○哉○蜀○國○之○山○河○石○季○倫○金○谷○園
中○百○卉○百○花○具○備○李○德○裕○平○泉○莊○上○一○石○一○木○皆○奇○臺
聳○雨○花○萬○年○勝○槩○山○高○天○目○千○古○奇○觀○隱○隱○客○帆○風○浪
過○女○兒○浦○口○浮○浮○漁○艇○煙○波○弄○新○婦○磯○頭○輞○川○地○上○摩
詰○圖○赤○壁○崖○入○子○瞻○賦○長○房○舉○鞭○縮○地○覽○世○界○於○目○前

馬○援○聚○米○為○山○析○邊○陞○於○指○下○傳○岩○舊○址○英○雄○作○霖○雨○
 之○區○渭○水○故○基○豪○傑○飛○熊○羆○之○處○雨○中○春○樹○萬○人○家○俗○
 還○雅○道○雲○裏○帝○城○雙○鳳○闕○地○控○上○游○路○之○險○羊○腸○灘○之○
 凶○虎○臂○有○客○自○恒○山○去○取○諸○侯○傳○國○之○符○是○誰○從○天○漢○
 來○拾○織○女○支○機○之○石○石○城○若○固○王○濬○平○吳○劔○閣○雖○雄○鄧○
 艾○入○蜀○高○陽○池○上○僉○曰○山○公○之○醉○鄉○猗○玗○洞○中○或○云○浪○
 叟○之○隱○室○無○為○軍○有○石○奇○異○米○芾○之○丈○人○八○公○山○多○草○
 歲○蕤○謝○玄○之○士○卒○讓○水○廉○泉○武○鄉○文○里○俗○醇○於○漢○郡○何○
 如○沙○汀○月○渚○煙○樹○晴○嵐○景○美○於○瀟○湘○可○紀○一○石○若○船○橫○

洛○浦○年○年○陸○地○載○煙○霞○五○峰○如○指○秀○炎○州○夜○夜○銀○河○流○
 星○斗○鸚○鵡○谷○中○水○澄○清○處○可○卜○年○豐○鷓○鴒○洲○上○沙○颺○起○
 時○卽○占○世○亂○問○長○安○宮○中○景○致○千○條○弱○柳○垂○青○鎖○百○轉○
 流○鶯○遶○建○章○看○江○陵○浦○口○風○光○一○灣○芳○草○護○龍○洲○兩○岫○
 垂○楊○遮○虎○渡○

凡○邊○火○晝○日○烽○夜○日○燧○史○記○周○成○王○時○越○裳○氏○重○
 譯○來○朝○貢○白○雉○謂○曰○天○無○烈○風○淫○雨○海○不○揚○波○已○三○
 年○矣○意○者○中○國○有○聖○人○乎○秦○關○百○二○重○唐○人○詩○
 莊○子○達○生○篇○云○孔○子○觀○於○呂○梁○縣○水○三○十○仞○流○沫○四○

十里。無錫開利寺相傳為王羲之宅。有觀鵝亭及洗硯池。池水尚黑。後人詩云：魚出波間頻，篆字花飛水面自成文。關公出許昌往古城，至盤蛇嶺路小，不能過二嫂車，以刀劈破之，名拖刀嶺，刀痕迄今尚新。北史唐邕明敏，有治世才，任齊除中書舍人。文宣登童佛寺望井州城，或曰此金城湯池也。帝曰：我謂唐邕是金城，此非也。蜀國之先所封曰蠶叢，古詩云：蠶叢及魚鳧，開國何茫然。鳥道者，小徑僅容鳥過也。石崇金谷園在河陽，去洛城六十里。滕王閣

序蘭亭已矣。梓澤丘墟，梓澤即金谷園別名。唐李德裕平泉莊，花石俱奇，而醉石醒石尤珍重。自作記云：以平泉莊與人者，非吾子弟也；以一木一石與人者，非佳子弟也。雨花臺在金陵，以梁僧講經，天雨寶花故名。天目山在浙江，唐人詩：天目雨中奇。女兒浦在鄱湖，曾棨會賦詩云：當初知是誰家女，後來嫁作誰家婦。嫁時湖上墮弓鞋，至今尚想凌波步。我欲回頭問小姑，小姑迢遞隔重湖。新婦磯在楚地。王維字摩詰，居輞川，自圖其景，更賦有詩：人謂

其詩中畫畫中詩昔有病瘡者觀之而愈。赤壁在黃州蘇子瞻遊其地作前赤壁後赤壁二賦。神仙傳云費長房學術於壺公壺公問所欲對曰欲覽盡世界耳壺公與之以縮地鞭一縮千里後化龍而去。光武欲征西羌問於馬援援聚米為山谷帝覽之大喜曰盡在吾目中矣。高宗夢上帝賚以良弼物色求之得傳說於版築之間舉以為相命之曰朝夕納誨以輔台德若金用汝作礪若濟巨川用汝作舟楫若歲大旱用汝作霖雨。文王出獵夢飛熊散宜。

生曰非龍非影非熊非羆所獲者良佐耳。獵於渭濱得太公遂以後車載之而歸。王維春望詩云渭水自縈秦塞曲黃山舊遶漢宮斜鑿輿迥出千門柳閣道迴看上苑花雲裏帝城雙鳳闕雨中春樹萬人家。為乘陽氣行時令不是宸遊玩物華。羊腸狹小之徑。水經注云江水東流魚腹縣南又經羊腸虎臂灘漢楊亮為益州刺史至此而覆舟蜀人又名為使君灘。史記趙簡子謂諸子曰吾藏寶符於恒山得符者為侯諸子競往無所得無恤曰恒山臨代代可。

取也。簡子曰：是知符矣。遂立為侯。支機石 詳天文 石頭城也。劉夢得金陵懷古云：王濬樓船下益州，金陵王氣黯然收。千尋鐵鎖沉江底，一片降旗出石頭。劔閣劔關也。三國志：吳有長江之險，蜀有劔閣之固。晉山簡為荊州時，日遊習家園池，酣醉而歸。恒曰：此我高陽池也。故好飲者謂高陽酒徒。唐元結逃亂入深山，居猗玕洞中，稱猗玕子。元結又自號浪叟。米元章知無為軍州，廨中有奇石，甚異，拜而禮之，謂之石丈人。秦符堅以傾國之師伐晉，晉以謝

文帥帥禦之，屯兵八公山。望見八公山草木以為皆兵，驚曰：是亦勅敵也。歲音威 蕤音紫 南史：范柏年，漢中人。宋明帝因與論廣州貪泉，遂問曰：卿鄉中有此水否？對曰：臣漢中惟有文里武鄉廉泉，讓水。帝問卿之居何在？對曰：臣在廉讓之間。瀟湘有八景，謂山市晴嵐、漁村落照、江天暮雪、煙寺晚鐘、平沙落雁、遠浦歸帆、瀟湘夜雨、洞庭秋月。地輿志云：牂牁郡有一石如船，號石船。宋人有詩云：雲作帆，兮虹作纜。年年陸地載煙霞。炎州五指山，丘瓊山詩云：五峰如指

翠相連。撑起炎州半壁天。夜澆銀河濯星斗。朝探碧落弄雲煙。雪堆玉笋空中見。月出明珠掌上懸。想是巨靈伸一臂。遙從海外數中原。唐書新豐鸚鵡谷。木多濁少清。清則五穀豐熟。唐書云鉅野有鸛鷄洲。多白沙。雖大風不颺。若颺則刀兵起焉。千條弱柳垂青鎖。二句唐賈至早朝詩。宋張景公安人仁宗召見問曰。卿在江陵有何景對曰。兩岍綠楊遮虎渡。一灣芳草護龍洲。問食何物對曰。新粟米炊魚子飯。嫩蘆笋煮蟹裙羹。

地理二

赤縣卽曰神州。穹廬乃爲邊地。二酉固藏書之所。五陵實聚士之都。三姑石響徹金鏞。五老峰秀堪圖書。睢渙二水。天地文章。理石片紋。山川秀氣。使君之灘。賸有封姨鼓浪。孝子之石。豈無風伯清塵。灑瀨堆如象。如馬。孰能飛下。渾沌竅不耳不目。誰爲鑿開。山曰磨笄。代夫人怨。竟聳出泉。名卓錫。景禪師法手。濬來山列二華。日月星辰。最近水涵。四德智仁。勇義兼全。桂山多玉笋。瑤簫潼關是銅城。鐵壁望夫石。無人呼喚不歸家。抱子磚有

客琢磨猶在地。雁門紫塞將軍征戰之場。玄圃閬風。仙子遨遊之境。九華便當尤物。二室卽擅靈巖。五丁鑿破金牛路。蜀國空虛。二水中分白鷺洲。吳陵壯麗。灘云金瀨。牛僧孺。鷓鴣飛來。地曰檀溪。劉先主的盧跳過。二十四橋風月。獨數廣陵。七十二峰煙霞。雅稱南嶽。誰人懷壯志。直將長劍倚崆峒。若個起雄圖。更用泥丸封函谷。

地輿志云。崑崙東南方五千里。曰神州。中有和美鄉。帝王之宅。聖人所居。二酉大酉小酉山也。在辰州石穴中。有書千卷。相傳秦人肄學於此。五陵者。漢

高帝長陵。惠帝安陵。景帝陽陵。武帝茂陵。昭帝平陵。坡詩云。五陵多豪傑。地輿志云。南康有三姑之石。響聲若金鏞。地輿記云。廬山有五老峰。秀插雲漢。李青蓮嘗賦有五老峰爲筆。洋瀾作硯池之句。述異記。睢渙二水。波紋皆五色。故陳琳書云。遊睢渙者。學藻繪之綵。雲南大理石中。有鳥獸花草之狀。人取以爲屏。使君灘。詳前篇封姨。蜀中記。晉隗叔通。隗人也。性至孝。母每食。必須江水。水深難汲。一旦水中石出。便於汲水。至今尚在江中。號孝子石。蜀

中記灑灑堆在瞿塘口波濤迅激諺曰灑灑大如象
 瞿塘不敢上灑灑大如馬瞿塘不可下莊子倏忽
 南北二帝也遇渾沌帝待之甚厚倏忽謀欲報之謂
 渾沌曰人皆有七竅此獨無試鑿一竅七日而渾沌
 死言不順自然而強開耳目也史記趙襄子姊為
 代王夫人襄子請代王使厨人操銅斗擊殺之平代
 地其姊泣而呼天磨笄自殺因名其地為磨笄山
 梁景泰禪師居惠州寶積寺無水而卓錫於地泉湧
 數尺唐子西有卓錫泉記二華謂大華少華之山

西方之嶽也子華子曰水有四德沐浴羣生澤流
 萬物仁也揚清激濁蕩去滓穢義也柔而難犯弱而
 能勝勇也導江疏河惡盈流謙智也范至能桂林
 志云桂山千峰突兀傍無延際平地崛起而獨立王
 笄瑤簪誠當天下第一武昌北山有望夫石相傳
 昔征婦送夫從役立望之化為石顧况有詩云望夫
 處江悠悠化為石不回頭山頭日月風和雨行人歸
 來石應語宋末元兵犯永新城譚姓有婦趙氏抱
 兒匿學校中為悍卒所獲欲污趙趙罵不絕口與兒

遇害血漬禮殿兩楹間入磚成婦人抱子狀久之如
 新縱磨般之不去秦築長城其土赤曰紫塞崑
 崙山有閭風玄圃仙子所居九華山在池州九峰
 如蓮華號九華劉禹錫曰九華山自是天地一尤物
 二室謂南嶽山太室少室二洞史記秦欲吞蜀
 詭言牛能糞金欲獻蜀無路蜀使五力士開路秦得
 伐蜀故史詩云五丁不鑿金牛路秦惠何由得併吞
 李白金陵眺望詩云三山半落青天外二水中分
 白鷺洲鴻鴻詳文職篇的盧先主之馬先主為人所襲

馬至檀溪一跳而過揚州有二十四橋杜詩云二
 十四橋明月夜玉人何處教吹簫衡山有七十二
 峰巒極為秀麗宋玉為大言曰長劍倚天外彎弓
 掛扶桑又李詩長劍倚崆峒後漢書云隗囂將王
 元謂囂曰請以一泥丸為大王東封函谷關此千載
 坂一時也囂壯其言離乃嚴光樂地長河不意豈無砥
 柱障狂瀾大海無涯別有尾闕銷巨浸掌痕具在是誰
 學破首陽膺文德然有

嶽山有閭風玄圃。仙子所居。九華山在池州。九峰
 一。龍。此。巖。其。言。禹。湯。曰。九。華。山。自。是。天。地。一。元。物。
 示。龍。豈。曰。請。以。一。武。為。大。王。東。挂。函。谷。關。此。千。鍾。
 群。林。桑。又。李。若。其。險。尚。池。則。對。黃。書。云。則。覽。洪。王。
 華。巖。琳。為。衣。虱。五。采。王。為。大。言。曰。其。險。尚。天。長。學。日。
 十。四。嶽。匪。凡。奇。王。大。師。與。煉。如。巖。衡。山。有。十。二。
 諸。至。靈。氣。一。絕。而。無。對。以。有。二。十。四。嶽。其。精。云。二。

地理 三

名山五嶽仙島十洲。五嶽中異木怪石爭奇。十洲上瑤
 草琪花競秀。弱水三千里。迴繞蓬萊。巫山十二峰。雄吞
 蜀國。紋石是補天妙劑。高峰為鎮地巍。樞瀑布嶺頭懸
 蒼碧。空中垂白練。君山湖內翠水晶。盤裏擁青螺。九折
 坂。是王陽畏途。七里灘。乃嚴光樂地。長河不息。豈無砥
 柱。障狂瀾。大海無涯。別有尾閭。銷巨浸。掌痕具在。是誰
 擘破。首陽胸次。悠然有客。吞殘雲。夢美矣。長春苑內。佳
 景常新。奇哉不夜城中。清光未暝。吳江浩蕩。蒼天塹。秦

嶺。嗟。峨。者。坤。維。鞋。山。踢。波。浪。千。層。泥。滑。步。武。筆。岫。弄。煙。
 霞。五。色。絢。出。文。章。貞。女。峽。石。化。美。人。身。未。死。姤。婦。津。浪。
 漂。艷。女。性。猶。生。里。傳。勝。母。之。名。曾。參。返。栴。邑。擅。朝。歌。之。
 號。墨。子。迴。車。節。槩。萬。夫。雄。壯。士。蹶。山。前。之。石。工。夫。三。代。
 用。愚。公。徙。戶。外。之。山。君。子。鄉。有。彬。彬。正。士。高。陽。里。多。濟。
 濟。賢。人。橋。曰。銷。魂。亦。曰。盡。情。總。是。離。人。留。戀。處。園。云。離。
 垢。亦。云。獨。樂。悉。為。高。士。宴。遊。區。安。邑。玉。杯。地。破。則。難。全。
 涇。州。鐵。甕。城。牢。而。不。拔。二。十。四。橋。環。好。郡。風。月。溶。溶。入。
 千。里。路。透。神。京。煙。塵。渺。渺。貪。泉。不。貪。於。貞。士。止。見。吳。公。

穢。里。弗。穢。於。潔。夫。聊。觀。賴。子。不。毛。山。未。堪。有。獸。多。岐。路。
 畢。竟。亡。羊。島。中。應。有。國。波。外。恐。無。天。渤。海。其。莫。量。乎。只。
 有。天。在。上。更。無。山。與。齊。華。山。其。最。高。者。
 五。嶽。者。東。嶽。泰。山。西。嶽。華。山。南。嶽。衡。山。北。嶽。恒。山。中。
 嶽。嵩。山。也。海。中。有。十。洲。祖。洲。瀛。洲。玄。洲。炎。洲。長。洲。
 元。洲。流。洲。生。洲。鳳。麟。洲。聚。窟。洲。是。也。此。皆。仙。人。所。居。
 上。有。瑤。草。琪。花。及。返。魔。之。草。云。蓬。萊。山。在。渤。海。
 中。環。以。弱。水。三。千。里。其。水。毛。亦。不。能。載。山。中。皆。仙。子。
 所。居。故。凡。人。不。能。飛。昇。者。莫。至。巫。山。在。四。川。夔。州。

府有十二峰巒極秀。上古巫咸隱居於此。故號曰巫山。唐人咏遠山詩。嗟峨天一柱。秀麗海三峰。此亦巍樞之意。李白咏廬山瀑布泉詩云。日照香爐生紫煙。遙看瀑布掛晴川。飛流直下三千丈。疑是銀河落九天。君山在洞庭湖中。劉禹錫詩云。湖光秋色兩相和。潭面無風鏡未磨。遙望洞庭山水翠。白銀盤裏一青螺。九折坂最險。王陽為益州刺史。至其處。嘆曰。奉先人遺體。奈何數乘此險。後王尊過其處。叱御進曰。此非王陽所畏處耶。人謂王陽孝子。王尊忠。

臣。七里灘在浙江嚴光隱釣之處。水經砥柱山。禹鑿之以通河。河水分流包山而過。山見水中若柱。然故云砥柱。十洲記云海。中沃焦山。即曰尾閭。有石澗四萬里。厚四萬里。海水悉從其下而洩。即如人身之尻也。述異記西華山與首陽山本同一山。河神巨靈。乃擘開之以通河流。其掌跡猶在焉。司馬相如賦云。吞雲夢者八九。胸中曾不蒂芥。言度量之宏也。雲夢楚澤名。坡詩云。風花誤入長春苑。雪月交輝不夜城。漢地理志云。古有日夜出於東萊。

郡故萊子立此城以不夜為名云。藝文志云長江之險曰天塹言若天設坑塹界限域中也。李太白秦嶺賦為天之樞為坤之維。鞋山在鄱陽湖中宋人有詩云飛瓊乘醉出天關墮下弓鞋千古存若使當年添一隻雪花浪裏浴雙鴛。涿郡有筆峰宛然若筆宋人題詩云紫霧凝成應濡墨彩雲籠處便生花一天星斗晴光擘絢出文章自一家。秦時有女子化為石在崖穴中人呼為貞女峽韓昌黎有詩記之。妬婦津在臨濟昔劉伯玉妻性妬沉水而死得

為水神有美婦渡水者輒風浪暴起惟醜婦不然號曰妬婦津。古語云里名勝母曾子不入邑號朝歌。墨子迴車謂嫌乎其名也。唐書李嗣業討勃律通過蔥嶺有大石塞隘嗣業以足蹶之其石直抵窮壑人以為精誠所感。列子大行王屋二山愚公年九十面山而居惡而欲徙之或曰子老矣愚公曰我死有子有孫山不加增何苦而不平山神聞之懼告於帝帝命夸娥氏二子負山一措朔東一措雍南。後漢王烈字彥方以義行化鄉里皆為善士人號君子鄉。後

漢書昔高陽氏有才子八人。荀淑亦有才子八人。人稱其里為高陽里。長安灞陵橋送客者至此而別。號銷魂橋。陽安有橋送別之所。號情盡橋。雍陶乃改為折柳橋。司馬溫公有園曰獨樂園。南宋劉慧斐構園曰離垢園。時人目之為離垢先生。類說云。長安永寧坊東南是金蓋地。破可復完。安邑里西是玉杯地。一破則不完矣。潤州有城其堅不可拔。號鐵甕城。蓋孫權之所築者。二十四橋詳見前篇唐人詩云。三十六峰朝帝闕。八千里路透神京。晉書云。廣州有

貪泉。父老云。飲此水者多貪。吳隱之為州刺史。飲泉賦詩云。古人云。此水一飲。懷千金。試使夷齊飲。終當不易心。其清操愈厲。齊書。劉繪為南康相。都人有姓賴者。所居名穢里。投刺謁劉。劉嘲之曰。君有何穢。居穢里。賴答曰。未審孔子何闕。而居闕里。繪嘆其應辨之速。不毛山不生草木之山。列子云。楊子之鄰人亡羊。追之遽返。人問故。答曰。岐路之中。又有岐焉。吾不知其所之。楊子曰。大道以多岐。亡羊學者以多方喪生。唐人咏海詩云。島中應有國。波外恐無

高畢竟不妨烏帽落人日臥含章簷下壽陽試學梅粧
中秋過牛渚磯頭謝尚細吹竹笛春色詩觀之擘若秋
聲賦聽之竦然上苑催春花乎花乎莫負韶光好南樓
愛月子兮子兮如此良夜何葛仙吐火驅寒戶牖三冬
亦煖吳質浮瓜避暑陂塘九夏爲秋蜀丞相殫忠勤五
月孤軍渡瀘水狄將軍攄妙算上元三鼓奪崑崙清秋
節君王歌汾水辭媚景時士子序蘭亭記望杏課農瞻
蒲勸穡喜屬春陽紉蘭爲佩製芰爲衣恰驚秋晚歲華
冉冉依稀赴壑之蛇人事匆匆恍惚絕塵之駛或曰寸

陰尺璧我云一刻千金

王褒頌春秋法五始之要謂元者氣之始春四時之
始王受命之始正月政教之始公卽位一國之始也
魏略董遇好學語從學者云當先讀書百遍而義
自見從學者云苦無日遇曰以三餘謂冬者歲之餘
夜者日之餘兩者晴之餘唐李泌以二月朔爲中
和節以青囊盛百穀瓜李種相遺問閭里釀宜春酒
祭勾芒百官進農書楊雄甘泉賦云馳閭闔而入
凌競言寒涼戰栗之處賀方回調云天邊旅雁一羣飛帶

古事苑 時令 三六 蘭雪堂

得寒歸遠渚。杜宇為催春之鳥。故古詩云杜宇一聲春事闌。詩云七月流火九月授衣。歲時記云唐人上巳日禊飲水濱謂之踏青。盧公儀紀云三月三日上踏青履。歲時記云正月七日為人日剪綵勝為人鏤之以金親朋以此相遺取改舊從新意。蘇味道元夕詩火樹銀花合星橋鐵鎖開暗塵隨馬去。明月逐人來。遊妓皆穠李行歌盡落梅。金吾不禁夜。玉漏莫相催。金吾禁夜之官。晉劉臻妻陳氏元日獻椒花頌云美哉靈葩爰采爰獻聖容映之永壽於萬。

六帖云春取榆柳之火以順陽時。又云改火之長。唐人詩云改火試榆煙。世說唐戴顓字仲若春日攜雙柑斗酒人問其故答曰往聽黃鸝聲此俗耳。鍼砭詩腸鼓吹。李白夜飲詩云舉杯邀明月對影成三人。鞦韆乃北方戎戲以習輕矯者。唐人詩云畫架雙裁翠絡偏佳人春戲小樓前。飄揚血色裙拖地。斷送玉容人上天。王禹偁元夕詩疑是東君尋春色彩雲移下一天星。唐盧肇袁州人與同郡黃姓者共赴舉郡守獨餞黃肇因觀競渡賦詩云剛道是

龍君不信果然奪得錦標歸。後肇中狀元郡守乃大
 慚。桓溫九日宴寮佐於龍山。風吹孟嘉帽落。嘉不
 之覺。溫勅左右勿言。以觀舉止。嘉良久。溫令取還之。
 令孫盛作文嘲嘉。嘉亦答文甚美。南宋武帝壽陽
 公主。人日臥含章簷下。梅花落額上。成五色。拂之不
 去。宮中學梅花粧。唐寇下仲春色詩云。波渺渺。柳
 依依。孤村芳草合。斜日杏花飛。輕烟淡抹青山外。却
 有人家懸酒旗。歐陽永叔作秋聲賦。武后遊上
 苑。傳檄云。明朝遊上苑。火速報春知。花須连夜發。莫

待曉風吹

謝尚吹笛庾亮愛月俱詳天文

晉葛仙翁於冬月五

寒之時請客口中吐火一室如春坐客皆袒衣。吳
 質夏月間與賓朋避暑。魏文帝與質以書云。浮甘瓜
 於清泉。沉朱李於寒水。諸葛亮前出師表云。受命
 以來。夙夜憂慮。恐付託不效。以傷先帝之明。故五月
 渡瀘。深入不毛。朱狄青宣撫廣西。敵將儂智高守
 崑崙關。青至賓州。值上元節。令大張燈燭。首夜宴從
 軍樂。飲徹曉。次夜復宴。二鼓時。青忽稱疾。暫起如內。
 使孫元規暫主席。少服藥。乃出。數使人勸勞。坐客至

時合

三六

蘭亭

曉各未敢返忽有馳報云是夜三鼓青將軍已奪崑
 崙矣漢武帝遊汾水秋風起歌曰秋風起兮白雲
 飛草木黃落兮雁南歸晉永和九年三月三日王
 羲之與諸士子宴於會稽之蘭亭為流觴曲水之樂
 因作蘭亭記唐孟昶勸農詔有云望杏課農瞻蒲
 勸穡楚辭云紉秋蘭以為佩兮製芰荷以為裳
 坡守歲詩欲知垂盡歲有似赴壑蛇修鱗已半沒去
 意誰能遮况欲繫其尾雖勤知奈何言光陰之迅速柳玘
 池子云寸陰尺璧安可擲之他日面牆悔之晚矣

時令一

條風布煖已識春回桂月生涼漸驚秋老二月有撲蝶
 會洵可樂焉元正是礫雞朝彼有取爾報厥生成八蜡
 重農人之祭望茲氛祲二分勤太史之占戲馬臺前逢
 九日還屬勝遊鬪雞巷裏過清明儘稱樂事潮生八月
 廣陵正好觀濤雲暗中秋天柱且堪翫月季鷹恬退秋
 風憶故土之鱸曼倩恢諧社日遺細君之肉臘凍而袁
 安臥雪冬寒而勾踐懷冰銀河七夕會雙星柳生乞巧
 葭屋歲除驅五鬼韓愈送窮燒爆竹於除之夜山鬼咸

驚。列。火。城。於。歲。之。朝。朝。臣。畢。集。火。樹。銀。花。偏。有。焰。元。夕。
 奇。觀。瓊。樓。玉。宇。不。勝。寒。中。秋。雅。調。化。日。漸。長。於。冬。至。練。
 添。官。線。之。紋。和。風。忽。動。於。端。陽。綠。滿。門。蒲。之。瑞。試。觀。時。
 序。莫。負。韶。華。第。以。蟋。蟀。漸。近。者。寒。生。鷓。鴒。欲。去。者。暑。退。
 又。以。容。雞。不。至。者。歲。歉。獨。春。少。鳴。者。年。豐。問。人。事。可。知。
 暮。四。朝。三。惜。流。光。須。念。陶。分。禹。寸。一。日。盛。發。二。日。栗。烈。
 迅。速。兮。天。運。如。流。七。月。食。瓜。九。月。叔。苴。艱。難。哉。農。工。惟。
 急。陌。頭。楊。柳。黃。金。色。探。春。纜。賦。李。詩。盤。裏。椒。花。綠。蟻。杯。
 守。歲。又。賡。蘇。句。

立。春。之。風。長。養。萬。物。故。曰。條。風。八。月。曰。桂。月。杜。詩。
 桂。月。漸。生。涼。歲。時。記。云。長。安。二。月。間。士。女。相。聚。撲。
 蝶。為。戲。名。曰。撲。蝶。會。晉。書。歲。朝。殺。羊。懸。首。於。門。又。
 磔。雞。以。副。之。者。或。問。伏。滔。何。義。滔。答。曰。是。月。土。氣。上。
 升。草。木。萌。動。羊。啣。百。草。雞。啄。五。穀。故。殺。之。以。助。生。氣。
 耳。磔。音。窄。裂。也。蜡。者。所。以。祭。百。神。也。天。子。大。蜡。八。蓋。蜡。
 之。義。索。也。歲。十。二。月。合。聚。萬。物。而。索。享。之。也。八。蜡。者。
 一。先。嗇。二。司。嗇。三。農。四。郵。表。畷。五。貓。虎。六。坊。七。水。庸。
 八。昆。蟲。
祭。禮。見。前。天。文。
 宋。武。帝。在。彭。城。九。日。出。項。羽。戲。

馬臺至今相承以為故事。玉燭寶典云：寒食節，城市中鬪雞為戲。語曰：清明前後，鬪雞走狗。唐明皇好為鬪雞之戲。及即位，立鬪雞坊。去冬至一百五日，即有疾風甚雨，謂之寒食。枚乘七發曰：將以八月之望，與諸侯並往觀濤於廣陵之曲江。蓋中秋廣陵潮甚大，故云。唐趙知微有法術，中秋夜陰雨，眾不樂，知微乃攜客上天柱峰，翫月，涉其巔，月色如晝。及下，陰雨復如前。季鷹，張翰字也。秋風忽起，思吳江鱸魚及蓴菜羹，乃歌曰：秋風起兮木葉飛，吳江蓴

美鱸正肥，人生貴在適志耳。何必羈宦數千里。漢社日，武帝賜諸郎肉。東方朔不待詔，先割之。帝令其自責，朔曰：割肉不待詔，何無禮也。割之不多，何廉也。歸遺細君，何仁也。帝笑曰：卿反自譽耳。後漢袁安貧，有清操。冬月大雪，閉門僵臥。邑宰候之，曰：何臥而不起。答曰：大雪不宜于人。吳越春秋句踐欲復吳，離炎夏握火，孟冬懷冰。柳子厚乞巧文有云：竊聞天孫專巧於天，輻輳璇璣，經緯星辰，能成文章。云云。韓愈除夕作送窮文，其略云：聞子行有日矣，躬具

船車載糧。日吉時良。利行四方。云云。五窮鬼者。謂
 智窮。學窮。文窮。命窮。交窮也。西方山中有人。長丈
 餘。名山臊。人見即病寒熱。但畏爆竹聲。除夕元旦。庭
 前爆竹。所以辟山臊惡鬼也。國史補云。元日百官
 皆備刻燭。至五六百炬。曰火城。坡詩云。萬人爭看火
 城還。東坡中秋日。作水調歌頭詞。都下傳唱。內侍
 錄此。以呈神宗。神宗讀至。又恐瓊樓玉宇高處不勝
 寒。上曰。蘇軾終是愛君。唐宮中以女功。揆日長短。
 冬至後。比常日增一線之功。故杜詩云。刺繡五紋添

弱線。楊誠齋端午詩。門蒲新颺綠盤黍。試傳黃

詩云。五月斯螽動股。六月莎雞振羽。七月在野。八月

在宇。九月在戶。十月蟋蟀入我床下。言寒近漸
依人也 鷓

鷓。燕也。莊子。鳥莫智於鷓鷓。南粵志云。高興縣多

容雞。其形如雞。而五采。至則年大豐。獨春鳥名。其

鳴聲似春。臨海間。以其鳴聲多。五穀必薄。鳴聲少。五

穀必豐。莊子。齊物論篇。狙公賦芋。朝三而暮四。羣

狙怒。朝四而暮三。羣狙悅。晉書。陶侃云。大禹聖人。
 嘗惜寸陰。至於眾人。亦當惜分陰。詩。七月篇。一之

日盛發二之日栗烈

厲發風寒也栗烈氣寒也厲音必

詩七月篇

七月食瓜八月斷壺九月叔苴

也叔拾

李白探春詩

云聞道春來未相識走傍寒梅問消息昨夜東風入

武陽陌頭楊柳黃金色蘇長公守歲詩瀝瀝仁春

何處來風光忽入後園梅人生莫遣頭如雪盤裏椒

花綠蟻杯

時令三

居諸迭運暄冷代遷擊碎土牛門外報傳臘去剪成綵

燕宮中招得春來五辛盤薦自元正九子粽饋於端午

首春開獻歲晉公卿飲白獸之樽三日啓良辰唐士女

動○油○花○之○卜○端○陽○異○事○鑄○鏡○於○洋○子○江○中○九○日○勝○遊○落

帽○於○龍○山○會○上○五○戌○宴○雞○豚○處○處○飲○治○龔○之○酒○七○夕○陳

瓜○果○家○家○穿○乞○巧○之○針○肉○陣○遮○風○者○冬○無○寒○錦○棚○蔽○日

者○夏○乏○暑○一○陽○生○子○月○邵○康○節○試○玄○酒○於○杯○中○三○伏○釀

炎○蒸○周○武○王○蔭○暘○人○於○樾○下○母○既○死○王○修○還○輟○社○師○云

亡宋王獨悲秋端陽獻李泌之身致君賢宰七夕曬郝
隆之腹傲世英賢歲華更舊孔聖猶重古讎國運屬新
陳咸不遵莽臘豪吟思釋子夜分撞詠月之鐘劇賞憶
君王春早擊催花之鼓至日泣囚刑清於盛吉大寒罷
役政善於齊君夢得才奇未敢題糕於九日藥巴法妙
猶能喫酒於歲朝破柑霜落瓜嘗稻雪翻匙時維十月
養笋泣猫頭烹茶叫雀舌序在三春歷考歲時不盡人
事葭灰飛動尚知雲物無心谷黍忽生又信陽春有脚
居諸日月也毛詩云日居月諸 歲時記立春前造

土牛於大明門外為壇以祭至立春時擊之以會臘
歲時記唐宮中於立春日悉剪綵為燕貼宜春二
字戴之 歲時記元旦薦五辛之盤以辟毒氣五辛
大蒜
小蒜韭菜
雲臺胡荽 歲時記端午作九子粽取嗣續蕃衍意
王沂公呈帖子云爭傳九子粽皇祚續千春 晉書
元會設白獸樽於殿上樽蓋上施白獸若有能獻直
言者發此杯飲之 風俗通云池陽上巳日婦女以
蠶花點油祝而醮之水中若成龍鳳花卉之狀則吉
謂之油花十 初學記唐太宗時五月五日揚州於

江心鑄鏡以進。皆有盤龍甚異。其鏡可祠。雨故宋臣
 撰端午帖子。多用其事。王禹玉詩云。紫閣瞳矐隱曉
 霞。瑞池九御進菖華。何時又進江心鏡。試與君王却
 衆邪。韓詩願為同社人。雞豚宴春秋。俗云社日酒
 治耳聾。海錄碎事。翰林學士月給內醞。兵部李濤寄
 李文公詩云。社翁今日沒。心情為乞治聾酒一瓶。李濤
小字社翁荆楚歲時記云。七夕婦人登臺上。以綵縷穿
 七針。陳瓜果以乞天孫之巧。有蟠蛛絲網於瓜果上。
 則以為得巧。開元遺事。楊國忠冬月選肥妓數人。

圍繞於前。號肉陣。遮風亦謂之肉障。開元遺事。長
 安富人至伏暑。以錦結為涼棚。以避暑。邵康節冬
 至詩。玄酒味方淡。太音聲正希。淮南子云。武王陰
 暘人於樾下。而天下懷。暘人熱死之人。樾下音書。
 王修於社日。毋死。每至社日。不勝嗚咽。鄰里遂為之
 輟社。屈原宋玉之師也。屈原死。宋玉作九辨辭云。
 悲哉秋之為氣也。蕭瑟兮。草木搖落而變衰。唐書
 端午各獻服玩。上謂泌曰。先生何獨無獻。泌曰。自巾
 至履。皆陛下所賜。獻者獨惟一身爾。晉書七夕諸

富室皆曬紙綺之衣。郝隆乃向日曝於階下。人問其故。隆曰：我曬腹中書。王莽篡位，國號新，更漢家伏臘。陳咸猶用漢天子臘，不從莽臘。曰：我先人豈知王莽臘乎？唐僧如滿詠月云：團團離海角，漸漸出雲衢。此夜一輪滿，清光何處無。乃喜極撞鐘。開元遺事：明皇二月旦遊上苑，呼高力士取羯鼓臨軒縱擊。奏一曲名春光好，回顧柳杏皆發笑。謂妃子曰：不喚我作天工乎？後漢盛吉為廷尉，至冬至決囚，妻秉燭吉持丹筆而泣，妻亦泣。齊景公起大臺，歲寒役

晏子歌曰：庶民之凍，我若之何；奉上靡役，我若之何。公曰：子始為大臺之故乎？遂罷其役。聞見錄：劉禹錫九日食糕，欲題糕詩，以五經無此字，輟不復作。後宋子京因食糕，有詩云：飈館輕霜拂曙袍，糗糝花飲鬪分曹。劉郎不敢題糕字，空負詩中一世豪。漢欒巴有法術，為尚書時，正月朔朝見，帝賜酒，不飲。向西南嚙之，有司奏不敬。巴謝曰：臣本縣，成都有火患，故嚙酒以救之。數日，成都果奏火災，得雨從東北來。遂息。雨中有酒氣。巽音。

破柑霜落瓜。杜公詩。烹

直將異域為編戶陳橋驛軍兵欲變獨日重輪春陵城
 聖哲挺生一禾九穗祥鍾漢代禁中之臥柳生枝瑞藹
 宋廷榻下之靈芝分葉既符瑞應爰徵治功大哉堯乎
 擊壤歌則天之治君哉舜也垂裳臻協帝之休商王祝
 網放生一腔惻隱大禹下車泣罪滿腹仁慈武王伐暴
 時廉貨財又廉女色帝堯用心處哀孺子兼哀婦人文
 王發政施仁澤覃枯骨太戊省躬克已德滅祥桑設鼓
 懸鐘千古仰夏王之樂會釋旄結襪萬年飲西伯之尊
 賢黃帝用螫弧之旗征蚩尤武功遂懋漢祖以太牢之

俎祀孔子文教頓崇萬姓有餘糧周祖建繪農之閣六
 官無麗服玄宗罷織錦之坊晉武尚樸而焚裘仁宗味
 淡而徹蟹仁昭法外漢文帝除去肉刑恩溢倫中周武
 王分殘寶玉更仰漢高頒令典法約三章且知唐主頌
 成功舞揚七德宋祖去白起之像惡殺當然高宗圖傳
 說之形求賢空爾鷄死懷中蝗吞口裏唐治畢竟休明
 牛歸野外馬放山陽周運自然隆盛
 漢書馬援傳援曰天下反覆盜名字者不可勝數今
 見陛下恢廓六度同符高祖乃知帝王自有真也帝

甚壯之。春秋感精符云：為人主者，父天母地，兄日
 姊月。宋儒表云：德奉三無功，安九有。二無謂天無私覆地無私
照九有九州後漢疆華奉赤符曰：劉秀發兵捕不
 道四七之際，火為主。謂八宿春秋感應圖云：黃河
 千年一清，丹丘千年一焚，則聖人出。孝經鈞命訣
 云：三皇步五帝，驟三王，馳五霸，驚周禮。天子稱宅
 家者，謂至尊以天下為宅，四海為家。王充論衡人
 君冠道德，履純仁。宋書周使趙太祖帥師征漢宿
 陳橋驛，石守信等共謀欲立太祖為帝，軍士遂以黃

龍加身。獨日重輪東觀漢記：光武父欽生帝于春
 陵，是歲嘉禾生一莖九穗，欽以為異，于是名帝曰秀。
 漢昭帝時，上林有柳樹斷臥于地，一朝起立，生枝
 葉，有虫食其葉，成文曰：公孫病已立。即漢宣帝也。
 宋仁宗母臥榻下生靈芝，四十二葉，後生仁宗。有天
 下四十二年，堯微服遊於康衢，聞童謠曰：立我烝
 民，莫匪爾極，不識不知，順帝之則。有老人含哺鼓腹，
 擊壤而歌曰：日出而作，日入而息，鑿井而飲，耕田而
 食，帝力何有於我哉。尚書舜典云：日若稽古帝舜。

曰重華協于帝。新序云湯出見置四面網者祝曰：從天降者從地起者從四方來者皆罹吾網。湯曰：噫！盡之矣。乃解其三而更祝曰：欲左者左，欲右者右，欲上者上，欲下者下，不用命者乃入吾網。諸侯聞其澤及禽獸，一時歸商者三十六國。史記大禹出見民有桎梏者，下車問而泣之，語左右曰：堯舜之民皆以堯舜為心，寡人之民乃不以寡人為心，是以痛之也。史記武克商，上堂見玉，曰：此諸侯之玉，取而歸之。諸侯天下曰：武王廉于財矣。入室見女，曰：此諸侯之

女也，取而歸之。諸侯天下曰：武王廉於色矣。莊子：舜問於堯曰：天王之用心何如？堯曰：吾不教無告，不廢窮民，苦死者，嘉孺子而哀婦人，此吾所以用心也。周紀：西伯為池，治見死人骨，命吏瘞之。吏曰：無主矣。西伯曰：有天下者，天下主；有一國者，一國主。寡人固主也。天下聞之，曰：西伯澤及枯骨，况於人乎？異音也。史記：太戊時有祥桑，一暮大拱。伊陟曰：妖不勝德。君之政有關，歟？太戊乃脩先王之政，明養老之禮。早朝晏退，問疾弔喪，三日而祥桑枯死。史記：禹之

治天下也。懸鐘鼓鐸磬。鞀曰教。以義者擊鐘。啓以憂者擊磬。論以道者擊鼓。告以事者振鐸。有訟獄者搖鞀。韓非子文王伐崇。襪繫解自結之。太公曰。何為也。王曰。上皆其師。中皆其友。下皆其使也。今皆先君之臣。無可使者。史記黃帝時。蚩尤作亂。黃帝征之。用菴弧之旗。菴音史記漢祖既得天下。過沛。祭孔子以太牢之禮。五代史周世宗留心農事。嘗書農夫蠶女狀于閣中。欲均定境內田租。詔散騎常侍艾穎等三十四人分行諸郡。均定田租。唐書玄宗初

年詔后妃以下皆無得服珠玉錦綉。於是罷兩京織錦之坊。晉書武帝時程據獻雉頭裘。帝命焚之於殿前。詔天下無得獻異服。宋書仁宗食新蟹。有二十八枚。問左右曰。費錢幾何。對曰。二十八千。帝曰。一下筭費二十八千。朕不忍也。遂命撤去。不食。漢紀三代以前有肉刑。文帝詔除之。以髡鉗代黥笞。三百代劓笞。五百代斬趾。書經旅獒篇武王分寶玉於伯叔之國。時庸展親也。展重史記秦法苛刻。沛公乃約法三章。殺人者死。傷人及盜抵罪。餘悉除去秦法。

唐書秦王破軍之樂名七德舞。宋紀太祖幸武成王廟，指白起曰：起嘗殺已降不武之甚，豈宜受享命去其像。傳巖詳地理篇唐紀太宗得雉，自臂之見魏徵來，匿之懷中，徵奏事不已，鷄竟死焉。貞觀中終南數縣蝗起，唐太宗至苑中，見蝗捕數枚，曰：民以穀為命，汝食之，寧食吾心肝，遂吞之，是歲蝗不為害。尚書武成：武王克商，偃武修文，歸馬於華山之陽，放牛於桃林之野，示天下弗服。言不復用兵也

君道二

位以龍飛，文由虎變。周公御衡，仲尼促節。首華夏為民物，宗仁義為池。禮讓為城中，天地作綱常主。太子國之貳，爰立青宮。宗室君之支，乃封赤社。后妃位正璇室，車馭金根。公主派出天潢，邑頡脂粉鑾輿。一幸快瞻，綺莢翩翩。斧屨宏開，透望翠華。冉冉螭頭陛下，二史周旋。龍尾道中，百官趨走。禁中華輦，已經妃子辭來。臥內青蒲，曾是諫臣伏處。山三呼遙傳祝頌，海重潤已入歌章。衣裁素練，有后以助清修。菜去邪蒿，得人以承明體。日色

纒臨仙掌動。仁澤彌天香烟欲傍袞龍浮。瑞雲滿地丹丘曾歷火中朝。當泰運之期。滄海不揚波。徼外仰聖人之作。璇璣齊七政。喜瞻萬歲龍顏玉燭調。四時願獻千秋金鑑。

易經乾卦九五飛龍在天。利見大人。易經革卦象曰大人虎變。其文炳也。君子豹變。其文蔚也。陸賈新語云。盛天子三皇垂拱。五帝垂手。唐虞按轡。禹湯馳轅。周公御衡。仲尼促節。文選云。人主以道德為圃。以仁義為池。以禮讓為城。北魏高允曰。太子國

之儲貳四海。屬心言行。舉動萬邦。作則漢書太子居青宮。蓋天地之長男。曰震。震主東方。其色青。故太子立青宮。孔安國注尚書云。王者封五色土為社。燾以黄土。苴以白茅。赤社從南方土也。漢儀云。皇后居璇宮。乘金根車。玉輅輦。唐制太平公主則天后所生下。嫁薛紹。特賜以脂粉之邑。東京賦云。通帛綺葭。玉海云。吉行以綺葭。師行以白旆。音佩。記明堂位。天子負斧展南嚮而立。注云。制如屏風。繡為斧文。故云。翠華天子之旗。麟似龍無

角御階前所鑄故謂之螭頭陛二史左史右史唐
 合元殿前龍尾道屈曲宛轉如龍尾然故謂龍尾道
 漢書成帝遊後庭欲與班婕妤同輦好辭曰妾觀
 自古圖書賢聖之君名臣在側三代之後乃有嬖妾
 上善其言而止漢元帝欲易太子史丹伏青蒲而
 諫蓋皇帝宮中以青規地曰青蒲非皇后不得入
 漢紀武帝登蒿山與左右吏卒咸聞呼萬歲者三故
 今之朝儀曰由呼者本此漢明帝為太子樂人作
 歌詩四章贊頌之一曰日重光二曰月重輪三曰星

重輝四曰海重潤漢明帝馬皇后惟服練服六宮
 咸服其儉北齊邢峙為博士授太子經厨人進菜
 曰邪蒿峙曰此菜有不正之名非殿下所宜食遂去
 之口色二句唐王維詩俱詳前海尚書舜典
 在璇璣玉衡以齊七政七政月五星尚書寶典云四時
 調和謂之調玉燭唐書張九齡於太宗千秋節公
 卿並獻寶鑑九齡獨上封事十章號千秋金鑑錄以
 伸諷諭

文職

公居槐位卿屬棘垣御史乃是稜官拾遺却為緊職朱
 幡皂蓋郡守威儀金馬玉堂翰林聲價猶天北斗尙書
 居喉舌之尊應漢中台師保膺股肱之輔別駕固黃堂
 中半刺學士乃紫禁裏私人御史名曰皂鵬奸諛落膽
 太守稱為紫馬黎庶快心文翰臣磨礪詞鋒皇華使折
 衝口舌徐堅為舍人樣乃典絲綸孔明有王佐才必操
 鼎軸御史驄馬凌風凜六月冰霜博士瘦傘清節應九
 天沆瀣文章渾上品虞世南真乃行秘書政事更無死

行事苑

文職

九

蘭雪堂

狄仁傑或非癡宰相鮮于子駿福星興一路歌謠余氏
崇龜生佛立萬家香火橋梓治縣有譜傳家父子宰山
陰棠棣理政多能劉氏弟兄守南郡五花判事還推解
事舍人一燭照天猶羨牧民刺史崔謩號太平官府政
簡刑清裴俠稱獨立使君身脩行潔范萊蕪一清堪掬
釜中嘗有遊魚魯中牟三異可嘉桑下獨馴雉引裾
諫魏文帝言官之直節森森下車問寶將軍憲職之雄
風凜凜除蝨剪棘喜聞魏郡之歌岑臥轍攀轅欣覩臨
淮之留霸

周禮秋官朝士掌建邦外朝之法面三槐三公位焉
左九棘孤卿位焉棘取其心漢官儀御史執法稱
稜官西京雜記拾遺立繫以其在北省之次獻可
替否故名繫職漢官儀二千石皂蓋朱幡隼旗熊
軾金馬漢之門名在翰林之左故今稱翰苑者曰
玉堂金馬宋周麟之為學士姿儀洒落進止疑重
班冠玉筍望之者意神仙中人高宗御書玉堂二大
字賜之為翰苑盛事後漢李固疏云陛下有尚書
猶天之北斗北斗為天之喉舌尚書乃陛下之喉舌

後漢郎顛傳云三公上應台階。宋以文彥博為太師辭不拜批答云卿義重股肱望隆殿陛。漢制通判從刺史行部別乘一佐車謂之別駕亦謂之半刺史故東坡送趙旼赴永嘉云風流半刺史。職官分紀云唐天子待翰林學士禮遇親厚人謂之內相亦曰天子私人。唐書王志愔為侍御史執法剛正百僚畏憚人呼為皂鵬御史言其顧瞻人吏如鵬鷄之視燕雀也。晉書謝靈運出守永嘉人語曰騎紫馬者太守也故今稱太守曰紫馬云。翰苑新書云

使臣之職出禮義之鄉入無知之俗折衝口舌間者。唐書徐堅字元固聖曆中楊再思王方慶為東都留守引堅為判官奏專委之慶嘗稱曰掌絲綸之選再思曰此鳳閣舍人樣後為尚書。史稱孔明有王佐之才惜其當奸雄僭竊之際。後漢桓典為侍御史執法無所避常乘驄馬京師畏之語曰行行且止避驄馬御史。東觀漢記甄宇為博士每臘詔賜羊祭酒議欲殺羊分稱其肉。宇不可先取最瘦者後詔問瘦羊博士何在因為號。唐書太宗嘗出幸有司

請載秘書以從上曰不須虞世南在行秘書也武
 后時狄仁傑初入相時水沴閉坊門楊再思入朝值
 牛重車陷泥馭者罵癡宰相不能和調陰陽楊再思
 曰爾牛自弱不得全咎宰相宋以鮮于子駿為漕
 運使司馬光曰此一路福星也宋書云余崇龜守
 九江愛民如子民以手加額曰余氏生佛也因號余
 佛子南宋傅僧祐子傅琰相繼為山陰令尹父子
 並著奇績人稱其父子有治縣譜南史劉之遴除
 南郡太守有惠愛及民之遴死弟之亨代亦仁愛吏

民愛之因呼曰大南郡小南郡續通典云中書有
 軍國政事則中書舍人各執所見雜署其名謂之五
 花判事○中選一人明達者知機密謂之解事舍人唐
 齊澣開元初姚崇擢為中書舍人論駁詔誥皆援證
 古諺朝廷大政必資之時號解事舍人東齊紀事
 田元均治成都○有聲民有隱惡輒摘發之蜀人謂之
 照天燄燭唐書崔蓉為秦州刺史吏民喜曰不意
 今日見太平官府五代史裴俠守河北入朝周太
 祖命獨立曰裴俠清慎奉公為天下最有如俠者與

之俱立。眾默然。時號為獨立使君。晉書范丹字史雲為萊蕪令。清約自奉。民歌曰。甌中生塵。范史雲釜中生魚。范萊蕪。後漢魯恭為中牟令。蝗不入境。司徒袁安遣使往察之。值恭息桑陰。下有雉在傍。童子不捕。使謂恭曰。公為政有三異。積德禳災。一異。仁及禽獸。二異。童子有仁心。三異。恭後位至司徒。鮮音魏畧文帝欲徙冀州十萬戶。辛毗諫。帝不答而起。辛遂引帝裾。帝乃從之。後漢書周紆徵拜洛陽令。下中先問大姓吏。悉數豪強。以對。紆厲聲曰。本問貴戚。

若馬竇大將軍輩。寧知此賣菜傭乎。馬謂馬融。竇謂竇憲。後漢岑熙為魏郡太守。民歌曰。我有枳棘。岑君伐之。我有蝨賊。岑君遏之。狗吠不驚。足下生龍。含哺鼓腹。焉知凶災。我喜我生。獨於斯時。美矣岑君。於戲仁慈。音後漢侯霸為臨淮太守。被徵召。百姓老弱相携。號哭遮使者車。或當道而臥。皆曰。願乞侯君復留。基年。

文職二

宰相赤烏玄冕令尹墨綬銅章給事稱曰夕郎黃門批
 勅翰林名為仙掖紫禁宣麻中書可謂清平官妙典絲
 綸之美御史乃為雄峻職榮居察視之司飽卿睡卿名
 號自別銓部祠部政事攸分秘書第一官豈除俗吏太
 守二千石須屬偉人絕俗離塵梅子真乃翩翩仙尉含
 貞履潔袁聿脩固洒洒清卿誰云公種生公或謂相門
 有相柳公權直言不諱多諍臣風公孫弘細務不親乃
 宰相體名高望重汲長孺臥治於淮陽俗美化醇尹翁

歸去思於蜀郡李長吉翰林承旨郝為瑞世瓊瑤張魏
公禮部侍郎乃作冲天羽翼民歌善政聞江東之有三
岑七仰直聲喜漢世之多二鮑青錢學士滿胸文字甚
瑰奇黑髮尚書一路功名無阻滯左記言右書動獻納
司存雨露邊前補過後拾遺諫臣名寄雷霆下袁尚書
屬魏朝杜預學問宏深寇丞相為宋代謝安事功赫奕
熱職王司馬不屑冷官鄭廣文且為何令尹念切民鰥
更敢閤益昌之詔賈使君心勤政績寧辭立洛郡之碑
韓公為祭酒官國子監庶不寂寞蘇子膺學士選翰林

院自是增崇左雄居喉舌司僉云其可季布治股肱郡
誰曰不安

漢丞相金印紫綬黃扉黑轎赤舄玄冕所以異車服
於百辟也漢官儀令尹銅章墨綬漢官儀黃門
屬黃門令日暮入對青瑣門拜謂之夕郎東軒事
錄云翰林清要謂之仙掖唐太宗用黃麻紙寫詔
勅文唐玄宗別置學士院掌內命凡拜免將相皆
用白麻免罷官唐德宗詔曰詞臣者乃清平美官
也禮記子曰王言如絲其出如綸王言如綸其出

如綽 通典云御史為風霜之任糾彈不法百僚震
恐官之雄峻莫之比焉 後漢鄭據為侍御史上疏
曰斗筲小吏擢在察視之官分當刺邪矯枉耳 蘇
長公詩注衛尉為煖卿宗正為冷卿光祿為飽卿鴻
臚為睡卿司農為走卿 晉有六曹尚書隋改吏部
曰銓部戶曰版部兵曰武部禮曰祠部刑曰憲部工
曰起部至唐武德三年復舊 梁書劉孝綽除秘書
丞帝曰第一官與第一人為之 漢制太守之祿二
千石漢宣帝詔曰與我共理者其惟良二千石乎

西漢梅福字子真為南昌尉上疏言事不用遂棄官
一朝携妻子去九江不知所終人傳以為仙 唐岑
參送麴少府詩黃綬一神仙蓋本此 唐書袁聿脩
為太常少卿薄于自奉時目之為清卿 晉王况云
公門有公卿門有卿 梁書王訓名見帝曰可謂相
門出相 儉子王 唐書柳公權文宗嘗詔共論事公切
直無所回互帝謂之曰卿論事有諍臣風遂擢諫議
大夫 後漢朱浮論云吳起與田文論功文不及者
三朱買臣難公孫弘十策弘不得其一終之田文相

魏公孫宰漢誠知宰相自有體也。漢文帝拜汲黯為淮陽太守。黯謝不肯行。帝曰：君薄淮陽耶？顧淮陽吏民不相得，吾欲得君重臥而治之。漢循良傳云：黃霸治潁川，龔遂治渤海，尹翁歸治蜀郡，名信臣治南陽等所居民富，所去見思，生有榮號，死有奉祀。唐史李賀字長吉為承旨，韓昌黎美之曰：瑞世之瓊瑤也。翰苑新書朱晦菴集云：張魏公除禮部侍郎，召對便殿，上慰勞宣諭曰：朕將有為，正欲一飛冲天，而無羽翼，卿為朕留意當專任用。唐書岑羲為金

壇令弟仲翔為長洲令，仲休為溧水令，皆有治績。世號三岑。宰相宗禁客語本道巡察御史曰：毋違江東三岑。漢鮑永、鮑恢為御史，抗直貴戚，斂手時號二鮑。唐書張鷟字文成，善文詞，員半千稱其文猶青銅錢，萬選萬中，因號為青錢學士。魏音南史袁昂為吏部尚書，梁帝謂曰：齊明帝用卿為黑頭尚書，我用卿為白頭尚書。左右史記事之官，君過必書，左記言，右記動。杜工部贈起居田舍人詩：獻納司存雨露邊，地分清切任才賢。舍人退食收封事，宮女開

文職

志

蘭雪堂

函近御筵。唐歸登拜右拾遺。德宗欲相裴延齡。熊
 執易草諫疏。稿成持以示登。登曰。願寄名雷霆之下。
 安忍足下獨當。即連名上諫。北史後魏肅宗舉觴
 謂羣臣曰。袁尚書朕之杜預。故以杯屬元凱。侍坐者
 莫不仰羨。晉杜預字元凱。預為尚書。損益
 萬幾不可勝數。號曰杜武庫。宋書寇
 公澶淵之役。契丹不得志而歸。時人以其功比晉之
 謝安云。北齊王晞為并州司馬。昭徵。魏川為侍中。
 辭不受。謂人曰。吾非不愛熱官。但思之爛熟耳。唐
 鄭虔為廣文先生。杜公贈詩云。廣文先生官獨冷。

唐何易于為益昌令。觀察使奉詔權茶。何閣其詔不
 行。觀察使素聞其恤民。亦不之劾。唐賈敦願為洛
 州刺史。百姓共立碑。及弟敦實為長史。復刻石頌美。
 兄碑之側。人謂棠棣碑。唐李翱作昌黎公行狀云。
 公遷祭酒。日會講生徒。咸曰。韓公為祭酒。國子監庶
 不寂寞矣。宋會要云。元祐元年。擢起居舍人為翰
 林學士。人語曰。蘓子瞻入翰林。翰林增重矣。後漢
 虞詡以左雄有公忠節。上疏薦之曰。伏見左雄有王
 臣蹇蹇之節。空擢在喉舌之官。必有匡弼之益。上以

雄為尚書。漢季布為河東太守。孝文名見之曰：河東吾股肱郡，今特名君耳。

卷二

文職三

秘省儒臣名為清秩。太常禮職號曰上卿。郎官應列宿之躔。邑宰符雷鳴之象。翰林清要官街允是一條冰憲。寺威嚴法度頗稱三尺雪。伯夷典禮后夔典樂人推虞代淳風。召公為保。周公為師。士美成周治。化裴度五登相。職柱礎。朝堂賈餗三典禮。闡權衡。人物剛風不靡。都亭御史獨埋輪。直節無回殿。陞尚書偏曳履。宰相屬天子股肱。佐大夫是聖明筋脉。臣叅政號曰魚頭。佞諛喪膽。御史稱為鐵面。奸宄寒心。仁宗選拾遺。雙騶並駕登。

文職

九

臺省太宗授承旨五鳳齊飛入翰林熙寧三舍人乃一朝碩彥慶曆四諫士實千古良臣灘上一雙鴻鵠飛僧孺入相堂中三尾鱸魚集楊震為公雙鴈隨車却羨日南賢太守羣鯨赴海須知廣漢好循良魏鄭公不願作忠臣許長史猶堪稱廉吏狀元曾是渴睡漢惟呂文穆乃占魁名宰相必用讀書人舍寶可象誰當鼎輔

漢文帝詔旨云秘書省清秩也趙典為太常雖處上卿而布被瓦器賀循拜太常中宗下令曰循冰清玉潔行為俗表位處上卿屋僅蔽風雨特賜六尺

牀褥并錢二十萬以表至德漢紀館陶公主為其

子求文林郎明帝不許止賜錢十萬緡謂羣臣曰郎

官上應列宿苟非其人民受其殃初學記雷震百

里古者制縣地止百里故邑曰雷封東都事畧宋

陳彭年兼數職皆清要之選復授學士人見其官銜

謂為一條冰陳子昂送陳舍人擢大理詩云古來

定國有英稱延尉須持天下平詔自九重天上下吏

從三尺雪中行翰苑新書云唐虞伯夷為秩宗后

夔典樂太常之任也皆云禮官漢儀注成王作周

官立太師太傅太保為三公。周公為師，召公為保，畢公為傅。唐宰相再入者，長孫無忌、狄仁傑、李吉甫。三入者，張延賞、鄭畋、四人者，姚元崇、韋安石、五人者，蕭瑀、裴度。碑首楚職官分紀云：賈餗拜禮部侍郎。凡典禮闈三歲，所選士七十二人，多至公卿人服其藻鑑。錄音後漢書：張綱為侍御史，安帝時遣八使。按行風俗，皆碩儒知名，多歷顯位，唯綱年少，官次最微。餘人受命之部，而綱獨埋其車輪於洛陽都亭，曰：豺狼當道，安問狐狸！遂奏大將軍梁冀兄弟罪惡，京

師震竦。前漢鄭崇為尚書，嘗曳革履，進諫，帝笑謂左右曰：我識鄭尚書履聲。漢匡衡曰：大臣國家之股肱，天下所瞻仰，在明主所宏擇。唐李絳制云：大夫王之筋脉，臣宋魯宗道參知政事，言語切直，貴戚畏憚，目為魚頭。參政蓋魯字魚為頭，且稱為骨鯁。臣亦因其姓也。宋趙抃字閱道，衢州西安人，少孤貧，舉進士，及為殿中侍御史，彈劾不避權倖，京師號為鐵面御史。初學記云：宋仁宗朝以孔道輔、范仲淹二人為拾遺，皆忠於其職，綽有直聲，士人共嘉之，謂

之臺省雙鷗後賢才見宋李定附王安石除御史
知制誥宋敏求蘓頌李大臨封還制書執奏不已並
落職世稱為熙寧三舍人東都事畧仁宗朝余靖
歐陽修王素蔡襄共為諫官皆善于其職號慶曆四
諫唐時河南伊閭縣前有大溪每僚佐有入臺省
者先有灘出石爍金沙清徹可愛牛僧孺為尉一日
報灘出邑僚列筵觀之老吏曰當有鵝鵝來乃驗宴
未竟一雙鵝鵝飛下不旬日僧孺拜西臺御史後乃
為相後漢楊震客居于湖有鵝雀銜三鱧魚集講

堂都講曰三鱧者三公之象先生從此升矣後為太
尉後漢虞國遷日南太守每行縣有雙鴈隨車時
人嘉之號雙鴈太守漢馬稜為廣漢太守威德化
民郡中有蝗皆飛入海中化為鰕唐書魏徵謂太
宗曰臣願為良臣不願為忠臣良臣伊呂稷契是也
忠臣龍逢比干是也漢黃霸為令許丞年老耳聾
吏白去之霸曰許長史廉吏也雖重聽何傷歸田
錄呂蒙正未遂時作詩云挑盡寒燈夢不成胡且笑
曰一渴睡漢耳次年呂及第因寄聲于胡曰渴睡漢

今中狀元矣。胡大慚。宋太祖踐位，詔無得用舊代年號。建元乾德。一日見宮人有鏡，曰：「乾德四年鑄，臣下無一論者。」問于竇儀，儀曰：「此宮人必蜀女也。蜀王有乾德年號。」太祖嘆曰：「宰相須用讀書人。」

吳湛中育學，皆派入中。出為難。書讀難。人謀之，雙鳳入中。冀其對。冀其大。堂階階曰：三。豔香三。公之。樂。主。此。代。矣。對。為。太。

武職

矯矯虎臣，桓桓爪士。曰：頗曰牧，英雄居武選之先。若孫若吳，謀策出儔人之表。飛將銳將，熊虎將。煌煌金節，草木知名。鴟軍雷軍，鴈子軍。獵獵神旗，鬼神視魄。鷺鳴雪夜，李愬擒元濟於蔡城。鶴唳風晨，謝玄走符堅於淝水。薛總管三箭而天山定，彎弓造李氏乾坤。衛將軍一舉而朔庭空，仗劍洗劉家日月。萬囊塞水，可嘉韓信敗龍。且單騎降戎，更羨子儀退回紇。王宗裕稱枯松，太保唐代雄豪。馮公孫號大樹，將軍漢家英杰。南蠻心未服，諸

葛亮七縱七擒北敵勢方強。婁師德八遇八克奮英風。
 當先陷陣黃鬪少年獨奇。鼓烈氣殿後摧鋒白馬長史。
 甚勇。路人問霍去病。速收絕漠之勲。天子遣趙將軍。真
 得禦邊之策。黃鬚驍騎奮揚。曹氏威聲紫髯會稽振耀。
 吳軍武烈將軍國之心。管人言其不謬乎。圻父王之爪
 牙。詩旨真可味也。

詩云矯矯虎臣在泮獻馘。書經牧誓云尚桓桓如
 虎如貔如熊如羆。桓桓威武貌頗牧者謂廉頗李牧也。
 俱趙將。孫吳孫武吳起俱善用兵。唐單雄信極

勇力事李密時號飛將。唐馬璘武藝絕倫為中興

銳將。吳周瑜與孫權書云劉備以梟雄之姿又得

關張為熊虎將有飲馬長江之志。五代李克用將

兵賊憚之曰鴟軍至矣以軍皆衣黑故也。鴟音唐

鄭畋節度鳳翔募壯兵五百號疾雷軍所向披靡。

五代梁朱瑾募兵黥雙鴈于頰號鴈子軍。鴈音唐

書吳元濟據蔡城李愬領兵擊之夜半至城下雪甚

旁皆驚鴨池愬令擊之以亂軍聲砍城先登黎明元

濟就擒。謝玄事唐書太宗時九姓為亂薛仁貴

武職

語

為總管禦之三箭殺魁首三人敵氣懾皆降軍中歌
 曰將軍三箭定天山壯士長歌入漢關漢武帝用
 衛青為大將軍征邊邊人遠遁故謂朔庭空漢書
 韓信擊楚楚以龍且領軍與信夾淮水而陣信夜為
 萬囊盛沙上流壅水渡水擊且佯敗且引兵追之信
 決囊放水且兵大半不得渡信擊之且乃就擒且音
 唐代宗朝回紇吐蕃合兵入寇郭子儀曰昔與回
 紇契約頗厚可往說遂單騎至回紇營投戈而進軍
 士大驚遂責以背約之事回紇乃降吐蕃聞之夜遁

唐王建平東川諸將爭功獨王宗裕退立枯松下
 眾嘉之號為枯松太保漢馮異字公孫性謙退不
 伐諸將破敵嘗論功異獨坐大樹下若不聞人號大
 樹將軍蜀志孔明以孟獲為南蠻之首欲服其心
 七縱七擒獲泣曰丞相天威也南人不復反矣唐
 武后時募壯士討吐蕃婁師德戴紅抹額應詔後遇
 邊敵與戰凡八戰八克唐裴果勇冠諸車常乘騶
 馬白袍登先陷陣時號黃騶少年漢史公孫瓚為
 遼東屬國長史常與善射之士乘白馬為左右翼烏

桓語曰止止避自馬長史。霍去病漢武之將也。梁曹景宗破魏軍還武帝於葦光殿開宴聯句令沈約分韻景宗請韻時韻已盡止惟競病二韻景宗云去時兒女悲歸來笳鼓競借問行人何如霍去病帝奇之。漢趙克國擊羗上問用兵幾何對曰百聞不如一見願馳至金城圖上方畧。漢建安間烏桓反曹操以子彰為驍騎將軍擊之大勝操喜將其鬚曰黃鬚兒大奇也。彰鬚黃故云。吳志張遼問吳降人曰向有紫髯將軍便馬善射是誰曰孫會稽遼嘆

服。漢李廣斬霸陵尉上書自陳上報曰將軍國之心膂。詩圻父篇圻父王之爪牙。圻父掌圻

去時兒女悲歸來第...
 漢趙充國擊羌上問形...
 夫曹操以下...
 小贊 荷世父蓋世父王...
 戴李胤神澤刻保七書...
 自刺土辟日徠軍圍之

武職

韜鈴主帥社稷干城...
 肅廓清燕薊郊原曾...
 鴈門馳突李廣八面...
 上奏寅報可恰從趙克...
 高崇文之勇決田單以...
 壘渡軍機謀巨測耀東...
 震西域之威靈班定遠...
 固真將軍祖士雅誓重...
 誠奇男子岳飛大捷朱...

武職

老

南寧堂

鎮○振○揚○宋○室○之○威○張○浚○成○功○和○尚○原○驚○破○金○人○之○膽○薛○
 仁○貴○擅○唐○之○旆○將○許○仲○康○為○魏○之○虎○侯○杖○馬○策○下○數○十○
 城○孫○策○英○風○烈○烈○乘○長○風○破○萬○里○浪○宗○生○俠○氣○翩翩○狄○
 天○使○例○雲○長○材○實○萬○人○之○敵○高○敖○曹○比○項○籍○望○先○百○將○
 之○班○竇○憲○登○燕○然○而○勒○功○呂○蒙○入○虎○穴○而○擒○敵○長○孫○晟○
 弓○聲○開○霹○靂○眾○卒○銷○魂○諸○葛○亮○陣○法○列○天○衝○三○軍○喪○魄○
 力○強○邁○眾○敬○德○避○稍○而○復○奪○稍○膽○畧○過○人○張○遼○出○陣○而○
 適○入○陣○白○衣○總○管○還○稱○人○上○之○魁○梧○錦○繖○夫○人○更○羨○女○
 中○之○卓○犖○

將○帥○之○營○四○面○懸○鈴○有○警○則○鈴○鳴○所○以○防○不○虞○也○故○
 謂○之○鈴○閣○史○記○凡○命○將○之○道○必○齋○戒○之○壇○曰○闔○以○
 內○寡○人○制○之○闔○以○外○將○軍○治○之○曰○齋○壇葡音杜○甫○
 贈○王○思○禮○都○護○詩○云○洗○戈○青○海○外○刻○石○天○山○前青海天山
 地○皆○邊○漢○書○李○廣○為○驍○騎○將○軍○出○鴈○門○擊○邊○善○騎○射○
 所○向○披○靡○因○號○廣○飛○將○軍○且○曰○飛○將○軍○者○八○面○鋒○也○
 蜀○志○趙○子○龍○將○數○十○騎○值○操○軍○大○出○雲○前○突○其○鋒○
 且○戰○且○却○至○營○大○開○營○門○魏○軍○疑○有○伏○引○去○雲○以○勁○
 弩○追○射○之○自○相○蹂○踐○墮○漢○水○死○者○甚○多○明○日○先○主○按○

行營壘。嘆曰：子龍一身是膽。

趙充國 詳上篇

唐書高崇

文為將。兵卒練習器用無闕。憲宗命其討劉闢。卯受

命。辰即行。史記燕騎劫攻齊田單。以創病之。夫乘

城約降。因伺其少懈。以牛數千頭。畫龍文。束刃於角。

焚火於尾。牛奔敵陣。死者甚眾。遂復齊七十餘城。

史記韓信擊魏。魏王盛兵蒲坂。以塞臨晉。信為疑。兵

陳船欲渡。臨晉而伏。兵從夏陽。以木罌渡。軍襲夏陽。

擒魏王豹。魏地悉平。吳志太史慈猿臂善射。吳將

之特也。漢書班超有奇相。相者曰：君虎頭燕頤。飛

而食肉。當封侯。萬里后超以三十六人下西域諸國。

乃封定遠侯。漢書文帝時邊人入寇。周亞夫屯軍

細柳營。禦之上。自勞軍。至霸上棘門。已而之細柳。亞

夫傳言開壁門。天子按轡徐行。亞夫以軍禮見。文帝

嘆曰：此真將軍矣。晉書祖逖字士雅。為奮威將軍。

憫晉室之亂。渡江擊楫。誓曰：逖不能澄清中原而復

濟者。有如此江。言行錄岳武穆與兀朮戰于朱仙

鎮。大捷。金人畏之。言行錄兀朮欲窺蜀。張浚使都

統制吳玠于鳳翔府之和尚原。先據要地。兀朮引眾

至玠擊之兀木中箭而遁。唐書太宗征遼東得薛仁貴因謂仁貴曰朕不喜得遼東喜得卿虓將也。魏志許褚從操討馬超曹與超單馬會語惟褚從超欲突擒操素聞許褚勇疑從騎是問曰公有虎侯安在操顧褚褚瞋日盼之超不敢動乃罷。吳志孫策傳揮馬策下江南數十城南史宗慤字元幹慤年少叔父少文問其所志答曰願乘長風破萬里浪後為名將。宋狄青京師呼狄天使節鎮涇原上欲一見之詔令人朝會寇逼平涼乃令往禦俾圖像

以進上觀其儀表嘆曰朕之關張也。北史齊高昂字敖曹父以其昂曹故名而字為高歡將善弓馬時人比之項籍。漢竇憲擊邊登燕然山命中護軍班固刻石勒功紀漢威德而還乃以憲為大將軍。吳志呂蒙為將嘗曰不入虎穴焉得虎子。唐書長孫晟為秦川道總管討突厥突厥畏晟威聞其弓聲謂之霹靂見其走馬謂之閃電晉王笑曰將軍震怒威行域外。韻府羣玉云孔明八陣有天前衝天後衝之名。唐書尉遲敬德驍勇善避稍賊雖羣刺之不

比割肝延劇病姑媳恩深封髮表貞心夫妻義重突圍
 救父荀崧女可當奇男窺御激夫齊卒妻乃同嚴傳柳
 宗元以柳易播豈非天下奇朋鄧伯道全姪棄兒乃是
 人間賢叔代夫人情孚骨肉一朝為襄子磨笄狄仁傑
 義重金蘭萬里代鄭君握節羊曇為舅亡慟哭任素因
 夫難解危義竹叢生和氣萃明皇之苑孝烏並泣哀聲
 澈蕭母之墳併糗糧以全交頗稱死友收昇輿以諷父
 允曰純孫趙氏友于有兄而爭弟之死張門雍睦以子
 而代姪之生姜肱共被同眠天倫盡善馨子班荆並話

友誼惟殷五倫總屬綱常百行獨先名教故為夫必端
 型範慎勿來畏婦之譏而有子須教義方更莫蹈譽兒
 之癖

祖父母謂之王父母又祖曰大父易曰家人有嚴
 君焉父母之謂也戰國策孿子之相似其母知之
 言雙生子也爾雅玄孫子為來孫來孫子為弟孫弟孫
 子為仍孫仍孫子為雲孫故曰曾玄仍雲昆同南
 宋王銓美風儀與弟錫齊孝行人曰銓錫二王玉昆
 金友言兄弟若金玉貴重晉顧榮語人云桂子蘭孫惟家之

寶 蘇東坡答馬忠王詩。靈運子孫多是鳳。苟明兄弟孰非龍。唐鄭崇訓妻蔣氏事姑孝。姑病不瘳。醫者曰：須得人肝補之。蔣于是割肝少許，煮湯食。姑姑病遂愈。唐賈直言坐事貶嶺南，謂妻董氏曰：我死可別嫁。董不答，引繩束髮，封以帛，使直言。署曰：非君手不開。直言貶三十年，歸封帛如故。及洗沐，髮盡落。唐荀崧守襄城，為杜曾所圍，勢促。崧女灌突圍而出，求救于周訪，圍乃解。史記：晏子為齊相，出其相御之妻，闕其夫意，氣揚揚，甚自得也。歸而請去，曰：晏

子長不滿六尺，身相齊國，名顯諸侯，妾觀其出，志念深矣。常有以自下者。今子為人僕御，自以為足，妾是以求去也。其後夫自抑損，晏子薦以為大夫。唐柳宗元初選官，得柳州。劉禹錫得播州，宗元曰：夢得親老之任，奚堪？于是請于相，願以柳易播。韓退之作墓誌，乃載其事云：晉鄧攸字伯道，永嘉之亂，攜其子與兄子綏逃難，度不能兩全，乃棄其子。抱兄子以逃。後竟絕其嗣。時人哀之，語曰：天道無知，使鄧伯道無兒。

磨笄已詳地理

倫行

三

唐狄仁傑為并州法曹，同僚鄭崇質

當使絕域。鄭母老且病。狄曰：彼母如此，可使之有萬里之憂。遂詣長使，請代其行。時人皆歎服。晉謝安甥羊曇安死，曇思念之行，不由西州門。一日至其處，乃大慟而返。唐崔寬守成都，楊子琳叛，寬力戰被圍，寬妾任素有勇畧，自將千餘人以救寬。子琳大懼。義竹叢生 詳後宮室北齊蕭放居喪，以孝聞。廬室前有二白鳥，馴集每候，放哭泣亦為之悲鳴。鄉人異之。春秋時，羊角哀、左伯桃聞楚王賢，往事之道。遇雨雪，計不能俱全，乃併衣糧與角哀，自入空柳中死。

人稱為死友。原穀祖老病，父厭苦之，乃作舁輿棄之野。穀諫不從，乃隨父收輿歸。父曰：焉用此凶具？對曰：穀以後，父老得以是收之。父感悟，載祖歸，更為孝子。穀乃為馴孫。漢趙孝弟，禮為賊所執，將殺而食之。孝自縛詣賊，曰：禮瘦不如孝肥，賊義之，俱釋焉。魏張範、子陵及姪戡，俱為賊所執，欲殺之。食範詣賊，請二子，賊以陵還。範曰：人情雖愛其子，然吾猶憐戡之小，請以陵易之。賊高其義，俱還之。後漢姜肱，友孝與弟五人各娶，兄弟相戀，不能別寢，作一布被，寢

則共之兄弟俱以孝友聞。左傳伍參與蔡大師子朝友。其子伍舉與子朝之子聲子善。及伍舉奔晉。聲子遇之於鄭郊。班荆相與食。而言復故。謂布荆坐地。共議歸楚。聞見錄。王文穆夫人悍妬。公嘗作三畏堂。楊文公戲曰。可改四畏。公問其故。曰。兼畏夫人。唐王福峙有五子。勳勳助勸。皆以文顯。福峙嘗稱之于韓彥思。彥思笑曰。昔武子愛馬。有馬癖。君愛子。有譽兒癖。王家之癖。抑何多耶。

倫行

二

五倫系屬。千古綱常。曰梓曰橋。父子之尊卑有別。如龍如虎。子孫之優劣。差殊填篋。比兄弟之友于琴瑟。如夫妻之好合。庭階前聞稚子效傳呼之語。蕭傲喜見曾孫。殿陛上乞君王補清要之銜。觸警猶憐少子。東方生為待詔。日曾割肉以遺細君。漢高祖作小郎時。嘗食羹。以過丘嫂。田家復聚紫荊花。下春風。虞帝新徂。斑竹林中。夜雨。陳情表。李令伯盡烏鳥之私。悼往辭。潘安仁動烏魚之感。司馬光事兄如父。弟之道。比子道。何慚。桓車騎。

視姪猶兒。叔之親與父親一致。積經為世訓。韋玄成樂有賢父。兄書字擅時名。王羲之却是佳子弟。功名不實。狄兼謨。綽有祖風。文學有華。宋之問乃分父絕。敬則應得鳴鼓角。毋覘子榮。宗武更勿帶羅囊。父規兒怠。秦伯讓弟以國士。咸稱辭富居貧。薛包分姪以財。人僉謂棄濃味道。花蕊夫人因主泣。伴囚妃媵更恓惶。木蘭女子代爺征。巾幗丈夫偏卓犖。聶政姊撫屍而哭。為其弟成。狹節聲名。王陵母伏劍而亡。代厥兒立忠貞事業。歷稽青史。盡屬奇聞。弟周嵩舉火攻兄。此正是無良之輩。若

温嶠絕裾。別母亦無乃不齒之儉。

家語伯禽與康叔見周公。三見三管之。伯禽莫悟。乃問商子。商子曰。南山之陽有木名橋。南山之陰有木名梓。何不往觀之。二子往見橋木高而仰。梓木實而俯。還告商子。商子曰。橋父道也。梓子道也。南宋王僧虔戒子曰。吾門中優者為龍鳳。劣者為虎豹。失蔭之後。豈龍虎之謂哉。正友各自努力耳。詩經伯氏吹埴。仲氏吹篪。埴音吐。埴音弟。和聲相應。五代周蕭愿。梁宰相願之子。曾祖儼。唐時入相。愿為兒戲。效傳呼。

之聲。傲語客曰：我不以得相為喜，所幸壽考。又見曾孫。戰國策：趙左師觸龍見太后曰：老臣賤息舒祺最少，臣竊憐之，願補黑衣之數。太后曰：丈夫亦愛少子乎？對曰：甚于婦人。諫方朔史記：漢祖微時與客至丘嫂家，嫂食羹，厭叔與客來，揚為羹，盡轅釜，客已去，視釜中有羹，由是怨嫂。後封其子為頡羹侯。大丘也。又空也。兄死空有嫂也。頡羹山名在鵝州。蓋怨昔者嫂憂羹借山名以鄙之。故嫂不賢謂憂羹之嫂。

齊諧志：田真、田廣、田慶兄弟欲分財，庭前有紫荆樹，花葉茂盛，夜議斫分為三，曉即憔悴。真嘆曰：樹本

同枝，聞分析尚如此，人何不如也？遂不復分。荆花復茂，通鑑：舜南巡崩于蒼梧之野，其妃娥皇女英哭之，酒淚于竹，竹有斑痕。今之斑竹其遺也。晉李密字令伯，除洗馬，值祖母病，作陳情表，辭云：臣無祖母，無以至今日。祖母無臣，無以終餘年。母孫二人更相為命，是以區區不能廢遠。鳥鳥之私，願乞終養。帝允其奏，賜婢女二人，使郡中給供養。晉潘岳字安仁，喪妻，作悼往辭，有云：如彼翰林鳥，雙棲一朝，隻如彼遊川魚，比目中路折。司馬光與其兄伯康友愛甚

篤年八十奉之如嚴父。每食少頃，則問曰：得無饑乎？天少冷，則拊其背曰：衣得無薄乎？晉桓溫薨，桓南郡冲之姪冲為車騎將軍，每自目已坐曰：靈寶成人。當以此坐還之。鞠愛過于平生。靈寶玄小字漢韋賢字長孺子玄成，俱以明經位至丞相。人語曰：遺子黃金，滿籬不如教子一經。晉王羲之自幼能文章，且善隸書草書，深為從伯敦所器。嘗謂羲之曰：汝是吾家佳子弟，當不減阮主簿。謂阮裕唐書狄仁傑孫兼謨有祖風。遷御史中丞，帝謂曰：卿狄梁公後，能不墜家。

聲實音。唐宋之間，父令文富文辭，且工書，有力絕人。世謂之三絕。後之間，以文章名，弟之悌，以驍勇聞之。遜精草隸，世謂皆得父之一絕。北齊王敬則母嘗謂人云：敬則應得鳴鼓角。人笑之曰：汝子得為人吹鼓角可矣。後果封侯，給鼓吹。杜甫示子宗武詩云：覓句新知律，難書解滿床。試吟青玉案，莫帶紫羅囊。周泰伯知父大王欲立季歷，乃與仲雍逃之荆蠻，文身斷髮以示不可用。於是太王立季歷，傳國至文王。唐薛包與姪分財，奴婢引其老病曰：與我共

事久也。田廬取其荒頓曰吾少時所治意所戀也。器物取其朽敗曰我服食久身口所安也。花蕊夫人蜀主孟昶妃也有詩名宋太祖平蜀命作詩夫人泣吟云君王城上豎降旗妾在深宮那得知十四萬人齊解甲更無一個是男兒。唐有木蘭女子代父征戎十年而歸其樂府詞有云昨夜見軍帖可汗大點兵軍書十二卷卷卷有爺名阿爺無大兒木蘭無長兄願為市鞍馬從此替爺征。史記聶政受嚴仲子之託刺韓相俠累遂自殺暴屍于市其姊泣曰是吾

弟聶政也我豈可自愛其身不成賢弟之名亦自殺于政屍旁。前漢王陵以兵屬漢項羽取陵母置軍中欲以招陵陵母私送使者曰願為老妾語陵漢王長者吾兒毋以老妾故持二心遂伏劍而死陵卒從漢。世說周顛字伯仁弟嵩飲醉謂伯仁曰君才不如弟而橫得重名須臾遂舉蠟燭火擲伯仁伯仁笑曰阿奴火攻固出下策耳。晉書溫嶠人蜀其母引裾留之嶠曰功名不可失也絕裾而行。

教兒皆執藝何殊守清白楊震子孫阿連輩寧是常兒
 王湛君豈為癡叔馬援得麟能耀武畢竟孫賢邴奚舉
 午不避親皆因子肖掘取隧泉曾有得便知母子重歡
 剖開鸞鏡復相逢更憶夫妻再合兒遊境外倚門也倚
 間也不勝慈母之懸懸子過庭前學詩乎學禮乎正切
 嚴君之懇懇竇滔遠戍音塵絕妻還織錦迴文孟子閒
 遊事業荒母且斷機廢織遊子吟未忘眷戀去婦怨不
 忍悽愴漢祖索父之羹固非甘情也文王食子之肉大
 不得已乎

唐柳仲郢母善教子仲郢嗜學嘗以苦參黃連末和
 熊膽為丸使夜嚼助其勤竟成大才左傳昔有穰
 羊者以羊頭餽叔向向母埋之土中後事發追驗羊
 頭俱爛惟有舌在國人異之號羊舌氏後漢書楊
 震孫奇立朝剛直靈帝謂曰卿強項真楊震子孫耶
 左傳州伯犁曰王子圍寡君之貴介弟也介大
 唐書白居易無子以兄子阿新者為後嗣楊子雲
 作太玄經童烏九歲能知其大義子雲嘗語人曰吾
 家童烏九歲預吾玄文家語子路曰昔者由也為

親百里負米親沒南遊於楚從車百乘累裊而坐列
 鼎而食願負米百里豈可得乎家語孔子與門人
 拱而尚右二三子亦皆尚右孔子曰二三子之嗜學
 也我則有姊之喪也于是二三子尚左唐玄宗為
 長枕大被兄弟同寢殿中設五幄與諸王更處其
 中謂五王帳閔子騫後母待之薄冬月衣已之子
 以綿衣子騫以蘆花父知之欲出其母子騫跪泣曰
 母在一子寒母去三子單唐書崔邠拜太常卿故
 事太常始視事大閱四部樂都人縱觀邠自第去帽

親導母與公卿見者避道唐書韓子華入相其弟
 在翰苑草制縉紳榮之後漢毛義以孝行稱府檄
 至以義守安陽令義捧檄而喜張奉薄之後義母亡
 遂不仕秦嘆曰往日之喜乃為親也檄音宋真宗
 東封召天下隱士得杞人楊僕上問卿臨行有人贈
 詩否僕曰臣妻有一首云更休落魄貪杯酒切莫猖
 狂愛作詩今日擬將宮裏去這回斷送老頭皮真宗
 大笑放歸山唐繆彤兄弟四人諸婦求分異彤乃
 掩戶自撾曰繆彤學聖人之道將整齊風俗柰何不

能正家乎。諸婦聞之，叩頭謝罪。漢書鄧禹十三男，皆命其各執一藝。晉謝惠連初有奇才，不為父方明所知。族兄靈運謂方明曰：「阿連才悟如此，卿未可以常見遇之。」晉王湛初有隱德，人莫能知，皆以為癡。兄子濟因聆講周易，大嘆服。武帝見濟，輒戲曰：「卿家癡叔死，未濟曰：『臣叔殊不癡，因以事聞。』」湛由是著名。後漢馬璘，馬援之孫，嘗讀援傳，至大丈夫死於邊，以馬革裹屍，慨然曰：「今吾祖勲業墜地下乎！」遂奮發而為名將。左傳：祁奚請老，晉侯問其所嗣，曰：「午。」

也可。莊公寘姜氏于城穎，而誓曰：「不及黃泉，無相見也。」穎考叔聞之，見于公公，賜食，食合肉，公問之，對曰：「小人有母，未嘗君之羹，請以遺之。」公感悟，告以誓，穎之故對曰：「若掘地及泉，隧而相見，誰曰不可。」公從之，遂為母子如初。陳太子舍人徐德言尚樂昌公主，陳政衰，謂妻曰：「國破必入豪家，尚冀相見。」乃破鏡各分其半。及陳亡，妻果為楊素所得，為詩云：「鏡與人俱去，鏡歸人未歸。無復姮娥影，空留明月輝。樂昌得詩感泣，素名德言還之。」通鑑齊淖齒之亂。

王孫賈從王失其處而歸母曰汝朝出而晚來則吾倚門而望汝暮出而不還則吾倚閭而望王走汝不知其處汝何歸焉賈乃攻淖齒殺之立湣王子為王保莒城以拒燕學詩學禮教伯魚事晉竇滔徙流沙妻燕氏蕙娘織錦為迴文圖以寄宛轉迴環其辭甚悽愴孟郊遊子吟云慈母手中線遊子身上衣孟郊去婦怨辭君心匣中鏡一破不復全妾心藕中絲雖斷猶牽連一女事一夫安可再移天君聽去鶴言哀哀七絲絃文粹馮用之權論云子雖至親西伯食

其肉不然則死於美里也父雖至尊沛公索其羹不然則臣於項羽也



倫行 四

封○胡○羯○末○鴈○陣○連○翮○瑜○珥○瑤○環○蘭○芽○秀○苗○有○是○父○有○是
 子○石○家○之○弓○冶○惟○良○難○為○弟○難○為○兄○陳○氏○之○詩○書○未○艾
 謝○趙○宗○文○章○采○采○殊○有○鳳○毛○周○文○王○仁○厚○振○振○乃○稱○麟
 趾○李○嶠○無○兒○蘇○瓌○有○子○曾○聞○國○有○品○評○餘○慶○令○子○朕○躬
 直○臣○且○見○帝○加○慶○賀○握○拳○透○爪○忠○臣○與○君○上○同○讐○嚙○指
 痛○心○孝○子○通○母○親○一○氣○生○兒○得○如○李○亞○子○父○遂○父○心○誠
 在○勿○學○杜○季○良○叔○全○叔○道○傳○家○必○遺○清○白○崇○雅○黜○浮○教
 子○還○須○義○方○去○邪○從○正○班○趙○妹○好○上○書○從○異○域○徵○兄○張

介兒奇棄職向遐。厥覓父韋長孺遺子孫。舊典不墜書。
 香萬石君浣。父母中裙乃扶人紀。舉猶兒以振武。謝公
 宏恢晉之聲。為愛子以報仇。呂母召覆秦之釁。焚裘伏
 劍。羅母與浚母俱賢。躍鯉殺鷄。姜生及茅生並孝。楊盈
 川之姪女。可作謝道韞。謝安石之嗣孫。還比蘭相如。兄
 弟文華正好。共聯花萼。集夫妻恩愛。未應更作白頭吟。
 蔡文姬蓬首。恓惶救夫念切。李英公燃鬚。潦倒愛姊情。
 殷王司馬慈。以撫孫更喜。鵬成蠟鳳。陳夫人嚴而責子。
 何妨杖墮金魚。弟無父只留手澤。人情悲乎。若有兒撞。

破烟樓吾願足矣。

東晉書謝氏兄弟最彥秀者。稱封胡羯末。封謝韶小
 字胡。謝朗小字翔。謝玄小字末。謝川小字結。羯音韓
 公作馬君墓誌見少傳。劬子娟好靜秀。瑤環瑜珥。蘭
 苗其芽。美子孫之揚子石奮石建父子之賢也。無是
 父。無是子。無是子。無是父也。漢陳元方子長文與
 季方子孝先各爭論父功德。諮於祖太丘。太丘曰。元
 方難為兄。季方難為弟。南史謝鳳子超宗有文辭
 作殷淑妃誄。帝大歎賞。曰。超宗殊有鳳毛。唐書中

宗嘗召宰相蘇瓌李嶠子進見瓌子頌曰木從繩則
 正后從諫則聖嶠子暎曰新朝涉之脛剖賢人之心
 上因曰蘇瓌有子李嶠無兒唐鄭餘慶子涵為右
 補闕敢言無諱憲宗曰餘慶令子朕直臣也可更相
 賀唐書張睢陽恨賊握拳透爪會參少孤事母
 孝嘗出求薪有客至母望參不至嚙其指參即心痛
 歸而問其母母曰有客卒至吾嚙指以悟汝爾五
 代唐李存勗被梁夾寨梁祖嘆曰生子當如李亞子
 克用不亡矣亞子存勗小名馬援戒兄子書云龍伯高敦

厚周慎口無擇言謙約節儉廉公有威願汝曹效之
 杜季良豪俠好義清濁無所失不願汝曹效之效伯
 高不得猶為謹勅之士所謂刻鵠不成尚類鶩也效
 季良不得陷為天下輕薄子所謂畫虎不成反類狗
 也後漢楊震守涿郡清廉或欲令開產業震曰使
 後世稱清白吏子孫以此遺之不亦厚乎左傳衛
 莊公之子州吁有寵好兵公弗禁石蜡曰臣聞愛子
 教之以義方弗納于邪唐張介客于蜀不還子吉
 為兒時作詩云應是子規啼不到致令我父不歸來

及長而第乃棄職迎父以歸人無不嘆息

韋長孺傳經詳

前漢書石奮父子五人俱二千石之秩號萬石君

萬石君雖貴嘗為親浣其中裙中裙裡衣也晉書符堅

大舉兵侵寇謝安舉兄子玄為將却之玄以八萬兵

敗堅於淝水堅兵遁以風聲鶴唳皆為師秦二世

時琅琊海西有呂母者子為縣吏縣宰以小罪殺之

呂母傾家貲合眾至數千執宰殺之羣盜之起由于

呂母始晉書桓玄既破殷荊州羅企生遂見殺計

聞于母母泣曰忠臣也死復何恨桓先曾以羔裘贈

企生母母哭畢即自焚裘

陵母伏劍詳前篇

姜詩事母

孝母愛飲江水忽舍旁湧出江水雙鯉躍出郭泰

留寓茅容家容殺雞作饌泰意為已設既而供母自

以草蔬與客同飯泰起拜曰卿賢乎哉因勸令學卒

以成德唐楊炯有姪女曰容華吟詩有鳳釵金作

縷鸞鏡玉為臺之句盈川喜曰吾家之道韞也晉

謝蘭安石孫時三歲舅阮孝緒曰此兒在家則曾子

之流事君蘭相如之匹遂命名曰蘭唐李義山兄

弟俱以文章著同為一集時號李氏花萼集相如

欲娶茂陵子為妾卓文君作白頭吟感悟相如乃止

蔡文姬嫁董祀祀有罪當死文姬蓬首徒行詣曹

操請罪音辭清辨操憐之乃追原祀罪唐李勣封

英公姊病為姊煮粥火燃其鬚姊曰何苦如此勣曰

姊老矣弟亦無幾他日欲為煮粥可得乎晉書王

曇首為司馬與兄弟會集見諸子姪並戲僧虔採蠟

珠為鳳凰曇首獨為喜趙宋陳堯咨善射守荆南

回母夫人問有何異政堯咨曰以弓矢為樂耳夫人

曰汝父教汝以忠孝治國家汝乃務一夫之勇耶怒

杖之金魚墮地禮記父沒而不能讀父之書手澤

存焉耳母沒而杯棬不能飲焉口澤之氣存焉耳

書言故事云子勝於父曰跨竈蓋竈上有釜故也又

東坡與人書云令嗣瑰偉奇特奮鞭一躍常撞破烟

樓竈上有烟竈撞破

樓烟樓亦跨竈之象

表氏會費之食後無其饋其家其命精之貨樂酒具

陳州和飲讓美田一置將助七散銀三千餘匹老

無寒給餉三百許人

蔡文姬嫁董祀祀有罪當死文姬連首徒行詣曹

操請罪音辭清辨操憐之乃追原祀罪唐李勣封

英公姊病為姊煮粥火燃其鬚姊曰何苦如此勣曰

姊與我同生我與姊同死日欲為煮粥可得乎晉書王

東與入書云令嗣與弟奇耕奮一並驅當對如

書言楚事云子糾欲弑父曰弑盡蓋盡土有釜也又

言盡耳耳死而林林不道增焉口擊之衆亦無其

林之金魚望此斷時父死而不道蕭父之書手擊

宗族

鼻祖分支耳孫衍派公族公姓當年譜系相承良治良

弓奕世箕裘不替角弓寓刺固知政壞於衰王寶玉展

親乃見治隆於聖主歷稽故實謬贅燕言和氣雍雍可

羨張公書百忍仁恩藹藹却喜疏廣散千金鼓有音聲

裴氏會養殮之食篋無封鎖樊家共金帛之費樂酒具

陳斟和飲讓義田一置耨禮耕仁散絹三千餘匹老穉

無寒給餉二百許人婦孺悉飽宗支圖有昭有穆族譜

引孰親孰疎不同杜固難聯譜派系無淆若非劉氏不

封王宗盟特重物為姓者沿物惟真官為氏兮從官乃
 的改朱復范寧非文正重源流去婁賜劉必是君王頒
 勅旨功名未遂維翰未必嫌桑道教初興老子還應指
 李閔姓謬云閔子後遙遙華胄畢竟驚人方生強說方
 相宗瓚瓚家聲正堪嚇鬼狹天使不認梁公像自識恨
 侏郭崇韜却拜子儀墳妄生枝節忽憶將門出將翻思
 卿種生卿若個擅英稱一門萬石誰家流好譽四世五
 公張宰相門閭允曰鳴珂之里崔大夫居第須云列戟
 之家累葉公侯鄧氏榮歷前卿相蕭門盛更勿道南阮

貧北阮富又豈云東楊朴西楊華只羨陳門人尚義百
 大共牢更高王氏譜增輝三愧作記

楊雄方言鼻祖始祖也人受胎于父母鼻先受形故
 云鼻祖漢惠記耳孫玄孫之子也言去高祖益遠
 但耳聞之而已學記云良冶之子必學為裘良弓
 之子必學為箕為箕為裘言承祖父之業小雅角弓刺幽王也
 不親九族骨肉相怨唐書張公藝九世同居高宗
 封泰山幸其宅召問本末公乃書忍字百餘以對
 漢書疏廣疏受致仕歸日具酒食召族人故舊飲更

分之金。父老勸廣開產業。廣曰：吾豈老悖不念子孫。顧此金聖主所以惠養老臣宗族，共享其賜。盡吾餘年，不亦可乎？唐裴寬兄弟甚眾，子姪蕃息，家二百餘口，堂設一鼓，每飯惟擊鼓以會食。後漢樊重三世未分，貲鉅萬，篋笥並無封鎖，欲用者取之，外孫何氏兄弟爭財，以田二頃解其忿訟。唐韋綬致仕歸，日召族人飲，謂之歡樂酒。宋范仲淹置田千畝，號義田，以濟宗族。凡嫁娶凶葬，皆有贍。擇族之長而賢者主其計焉。范仲淹自政府歸，有絹三千匹，盡散。

于宗族親戚曰：我生長幼學壯仕，宗族親戚咸為我助喜。我以此報之云。唐李昉家數世未分家，三百口資財悉歸一庫，每日計口給餉。魏楊遁素重宗支，臨卒惟以宗支圖授子曰：他無慮，惟宜珍重此耳。蘇明允曾作族譜引，末有云：觀吾之譜，孝弟之心可油然而生。唐杜正倫求與城南諸杜同譜，不許。諸杜所居號杜固地，有旺氣。正倫執政，建言鑿杜固通水利，既鑿，川流如血。南杜遂不振。漢書高祖有天刑白馬盟，物為姓。

如老子指李樹為姓。馬援其先趙奢為將。能馭馬。號馬伏君。子孫因以馬為姓焉。以官為氏者。漢孝文時。居官者長子孫。以官為氏。倉氏。庫氏。則倉庫吏之後也。范文正公本姓范。隨姑養于朱。從朱姓。後復改為范。漢書婁敬勸高祖都關中。後賜姓劉。五代桑維翰赴試。主司惡其姓桑。竟下第。維翰于是作日出扶桑賦。以自美。更鑄鐵硯。誓曰。硯敝則改業。老子事見後衆本。梁何昌寓為吏部尚書。有閔姓求官者。昌寓問君是誰。後答曰。閔子騫。後昌寓掩口笑曰。遙。

遙華胄。唐有士人姓方。好矜門第。但姓方。貴人必認為親。或戲之曰。豐邑方相何親。遽曰。再從伯氏戲者。笑曰。既是方相。姓正堪嚇鬼。蓋豐邑坊造凶器之所也。宋狄青號天使。有狄梁公之後。持梁公畫像及告身詣青。獻之。以為青之遠祖。青謝曰。一時遭際。安敢自附。梁公厚贈而遣之。五代郭崇韜為樞密使。或阿附之曰。汾陽王本太原人。徙華陰。公世家鴈門。豈其支派耶。崇韜曰。某距汾陽四世耳。後過子儀墓。哭而拜焉。咸笑之。宋武帝曰。鎮惡。王猛孫也。所

謂將門出將。晉史王况云：所謂公門有公，卿門有卿。後漢汝南袁安為司徒，子敞為司空，孫湯為太尉，湯子逢為司空，逢弟隗為司徒，凡四世五公。唐張嘉貞相，兄弟子姪並多列卿，人號其所居曰鳴珂里。唐書崔琳為相，弟珪太子詹事，瑤光祿卿，俱列榮戟，時號三戟崔家。鄧禹傳云：鄧氏累世寵貴，侯者二十九人，太尉二人，大將軍以下十三人，東京莫盛于此。唐蕭氏與江左實有功在民，後自瑀逮邁，凡八葉，宰相名德相望，為極盛世家。晉書阮咸與

叔籍居道南，諸阮居道北，北阮富，南阮貧。唐史楊憑與弟凝分東西里而居，憑之子孫冠服鮮潔，凝之素子孫冠服鄙陋，人謂東楊朴，西楊華。江南唐時，江州不陳氏尚義，家七百口，未分百犬，共一牢而食，一犬不食，至衆犬不食。三槐堂譜乃屬忘年之契，子桑戶之

莫逆意

於

聖泉賦
 刺
 千
 廉
 外
 南
 北
 富
 南
 武
 貧
 書
 法
 史
 賦

朋友

情堅膠漆氣馥芝蘭烏牛白馬全交約乾坤為證死生
 素犬丹雞定誓盟爾我何分貴賤孔仲尼納四賢士聖
 不自居王元之交三偉人德由士助廉藺釋讐結愛頓
 成刎頸之交衡融以少交者乃屬忘年之契子桑戶之
 莫逆意氣潛孚孟東野之忘形心神默合周公瑾眷隆
 於孫策總角好彼此不衰魏立同愛篤於裴炎耐久朋
 始終無替是誰懷雅興三更泛就戴之舟若個動遐思
 千里命訪嵇之駕班荆野外春風敘事更綢繆剪韭園

中夜雨談。悰猶繾繾。左儒死杜伯。諍君處數語。涇涇。蘓武別李陵。歸國時一詩。懇懇當權知。薦達已聞貢禹暉。冠肄業不勤渠。曾說管寧割席。邴原交范孟博。寧曰。勢交郭泰友。龐德公正稱心友。綈袍戀戀須賈。猶憐范叔寒。困米陳陳魯公。豈忍周郎餒。漫說劉巴不與張飛語。且言周顛還。塵王導悲欲迎。先倒屣。並坐更傳杯。最喜有人娛。邂逅逢人數。寄書對月頻成句。不知何處祝分離。

後漢雷義舉茂才。讓于陳重。刺史不聽。義佯狂披髮。

而走。鄉里語曰。膠漆自謂堅。不如雷與陳。家語孔子曰。與善人居。如入芝蘭之室。久而不聞其香。即與之化矣。與不善人居。如入鮑魚之肆。久而不聞其臭。亦與之化矣。是以君子必慎其所與處者焉。烏牛白馬。桃園結義事。侯鯖錄。越人定交築壇。殺丹雉。白犬歃血而盟。曰。卿乘車。我戴笠。他日相逢下車揖。我步行。鄉乘馬。他日相逢馬當下。孔子曰。文王四友。吾得回也。門人加親。非疏附耶。吾得賜也。四方之士。至非奔走耶。吾得師也。前有輝。後有耀。非先後耶。

吾得由也。惡言不入之于耳。非禦侮耶。范仲淹作
 王元之畫像序。王文正公。天下謂之大公。寇萊公。天
 下謂之大忠。樞密馬公。天下謂之大直。此三君子。一
 代偉人。公深相交。許情如金石。史記廉頗謝罪於
 藺相如。卒與懽。遂定刎頸之交。後漢廉范與慶鴻
 為刎頸交。時人稱之曰。前有廉藺。後有廉慶。禍衡
 有逸才。年未滿二十。孔融年已五十。相與交善。稱忘
 年交。與莊子子桑戶。孟子反子琴張。三人相視而笑。
 莫逆于心。遂相與為友。唐孟郊性介寡合。韓愈一

見為忘形之交。吳志孫策曰。公瑾與孤有總角之
 好。骨丹之分。總角謂束髮之年。唐魏玄同與裴炎友。能保
 終始。人謂之耐久朋。王子猷事。晉呂安服嵇康
 高致。每一相思。千里命駕訪之。詳前天文。聲子事。後漢郭
 林宗。暮夜有友人至。冒雨入園中。剪韭以作湯餅。
 通鑑周宣王臣杜伯。非其罪。欲殺之。左儒諍之。宣王
 曰。汝逆君以順友耶。儒曰。君道友逆。則順君以逆友。
 友道君逆。則順友以逆君。宣王竟殺杜伯。儒亦死之。
 蘇武別李陵詩。雙鳧俱北飛。一鳧獨南翔。子當留

斯館我今歸故鄉。漢王吉與貢禹為友。吉為廣州刺史。貢禹彈冠待薦。語曰。王陽在位。貢禹彈冠。世說。魏管寧與華歆讀書。有乘軒冕者過門。歆出看。寧曰。富貴當自致。看他人乎。遂割席分半而坐。曰。子非吾友也。魏志。邴原至陳。則師韓子助。潁川則宗陳仲弓。汝南則交范孟博。皆道義交也。郭泰適陳。則友符偉明。遊太學。則師陳季智。之陳則親龐德。公入汝南。則交黃叔度。緜袍事詳後衣服吳志。周瑜與魯肅為友。瑜飢求糧于魯肅。肅有兩困米。指一困與之。困。困

平聲圓倉也

海錄。劉巴不與張飛語。諸葛亮問之。巴曰。

大丈夫處世。當友四海英雄。如何與兵子共語。晉王敦反。王導入待罪。謂周顛曰。伯仁。吾以百口累卿。顛不答。既而上表。明導之無罪。導不知。憾之。及顛遇害。導不救。殺之。及料檢中書故事。乃見顛救已之表。大泣曰。吾雖不殺伯仁。伯仁由我而死。幽冥之下。負此良友。塵古勤字蔡邕倒屣以迎王粲。曰。此王公孫有異才。欲迎先倒屣。二句。劉賓客詩。李嶠別友人賦詩云。別君重眷眷。鴈影為誰孤。對月頻成句。逢人

數寄書

北。夏。文。趙。世。年。蔡。昌。國。風。以。王。樂。曰。北。王。公。新。育。

大。武。曰。吾。輒。不。難。計。計。由。非。而。夜。幽。其。之。不。負。

善。善。不。殊。殊。之。又。排。劍。中。書。始。事。以。良。體。殊。日。之。夫。

體。不。答。理。而。上。夫。門。華。之。無。罪。善。不。以。謝。之。又。體。獸。

王。諒。又。王。尊。人。許。罪。罪。罪。罪。曰。計。計。吾。以。百。口。累。眼。

大。丈。夫。與。世。當。文。四。越。英。華。吸。何。典。兵。千。共。帶。晉。

會。出。平。望。圓。越。越。越。越。不。與。越。越。越。越。莫。莫。聞。之。巴。日。

朋友

同門曰朋。合志為友。情敦與讌。毛詩歌伐木之章。義重

相須。周易垂斷金之利。仲尼老子可云累世通家。管子

叔牙足謂平生知己。子輿裹飯於同儕。不忘貧賤。角哀

併糧于共事。甘頌流離。尼父以善為芝蘭。乃薰令德。臧

孫以惡為藥石。足治病源。張堪既死。朱暉可託妻孥。鄭

紀未亡。巨伯寧逃賊寇。白老元公諸客。銜杯花下。遊戲

文章。稽康向秀二人。偶鍛柳中。鈴錘道義。尹敏班彪。寧

面友。山濤阮籍。是神交。程普見容於周瑜。若飲醇醪。自

朋友

无

蘭雪堂

醉周舉得親于黃憲不披綿纊猶溫張范情孚千里不
 忘鷄黍約韋宗義好百歲猶成金石交陶公無縛節待
 人摘圃內之蔬程子率真情見客傾途中之蓋生同志
 死同傳范縝及司馬光輔政異姓胞胎出接輿入接茵
 潘岳與夏侯湛並遊同時璧玉定交杵臼已知貧富不
 相嫌訂簿金蘭畢竟死生無異志江城驛路張敏覓高
 惠于夢中春樹暮雲杜甫懷李白于別後雷是膠分陳
 是漆願言兩意之相投愈為雲也郊為龍思得四方之
 相逐然則腹心之友世道其可風乎若夫口頭之交人

情其愈薄矣

詩伐木篇嚶其鳴矣求其友聲相彼鳥矣猶求友聲
 矧伊人矣不求友生 易曰一人同心其利斷金同
 心之言其臭如蘭 後漢孔融年十歲謁李膺曰我
 是李君通家子弟膺問所由融答曰先君孔子與李
 老君同德比義而相師友則融與君累世通家 韓
 詩外傳鮑叔有疾管仲為之不食謂甯戚曰生我者
 父母知我者鮑子鮑子死天下莫吾知矣雖為之死
 亦何傷哉 莊子子輿與子桑友淋雨十日裹飯往

食之。見子桑鼓琴歌曰。父耶母耶。天乎人乎。子輿曰。子之歌何故若是。曰。吾思夫使我至此極者。伯桃角哀倫前。左傳。孟孫死。臧孫紇哭甚哀。御者曰。孟孫惡子而哀之如是。季孫若死如何。臧孫曰。季孫之愛我也。疾。疾也。孟孫之惡我也。藥石也。藥石生我。疾之美。其毒滋多。後漢。朱暉與張堪同縣。張于太學中見。失。世重之。把臂語曰。欲以妻子託朱生。朱不敢對。張。聞其妻子貧困。自往候視。厚賑贍焉。子怪問。嘗有知己之言。吾以信於心也。後漢。荀

巨伯與鄭紀友。適賊攻城。衆皆逃匿。巨伯獨不去。賊問故。答曰。有友人病。不忍棄之。賊義之而去。白居易。易與元稹友善。嘗于花前小酌。作詩寄元云。花時同醉破春愁。聊把花枝當酒籌。忽憶故人天際去。計程今日到涼州。晉嵇康與向秀友善。二人善鍛。康宅邊有一大柳樹。甚茂。夏月與向居其下。相偶而鍛焉。漢尹敏與班彪相厚。每相與談論。嘗晏暮不食。晝。卽至。暝夜則達旦。晉阮籍。嵇康。並高才。遠識。少有契者。山濤初不相識。一與會晤。便爲神交。程普以

年長數侮周瑜折節不與較。普後自敬服。謂人曰。與周瑜交。若飲醇醪。不覺自醉。漢周子居常云。吾時月不見黃叔度。則鄙吝之心復生矣。又云。見黃叔度。令人不綿自煖。范式字巨卿。與張元伯二人同別京師。約二年後登堂拜母。元伯曰。君來殺雞為黍食之。至期果至。張曰。巨卿信士也。相與盡歡而別。唐韋應物宗楚客二人深相結納。人謂金石交。陶淵明詩。窮巷隔深轍。頗回故人車。歡然酌春酒。摘我園中蔬。程子反自剗。遭孔子於途。傾蓋而顧。相語

終日甚相親也。宋熙寧間。司馬君實范景仁同立。于朝。約曰。吾與子生同志。死當同傳。又君實嘗謂人曰。吾與景仁兄弟也。但姓不同耳。軫音晉夏侯湛美容。止與潘岳友善。每行止。同與接。茵京師人謂之連璧。茵音因後漢公沙穆遊太學。無貲糧。乃變服客傭。為吳祐賃春。祐與語。大驚。遂相與定交。杵臼間。晉戴洪正。每得密友一人。則書于編簡。焚香告之。祖考題曰。金蘭簿。六國時。張敏與高惠為友。每相思。便于夢中往尋之。時謂神交。杜甫懷李白詩。白

也詩無敵飄然思不羣。清新庾開府，俊逸鮑參軍。渭
 北春天樹，江東日暮雲。何時一樽酒，重與細論文。
 雷義陳重詳前篇韓愈與孟郊為友，寄詩云：我願身為雲。
 東野化為龍，四方上下逐東野。雖使別離容易逢，
 唐杜審言少與李嶠、崔融、蘇味道為四友，世號崔、李、
 蘇、杜。腹心四友，一曰文章四友。孟郊詩云：古人形
 似獸，皆有犬聖德。今人表是人，獸心安可測。雖笑未
 必和，雖哭未必戚。而結口頭交肚裏生荆棘。

師生

道不墜地，文未喪天。上溯淵源，堯舜禹湯垂統。下尋支
 派，關閩濂洛傳燈。尼父從洙泗設科，三千人周旋庭陛。
 王通自河汾演教，八百士出入門墻。鄭氏堂中道學純，
 化雨已滋書帶草。呂家門下科名盛，春風盡屬榜金花。
 楊伯起道與時亨，鱸堂集爵。李老子教出人淑，鼠壤餘
 蔬。賈逵之教育諄諄，舌耕得粟。吳商之從遊濟濟，口織
 為衣。士方推橫渠先生坐臯比，天且以尼父聖人為木
 鐸。史居左也，經居右。悉是真脩道已，南兮易已，東總稱

妙學和氣融融。猶可掬光庭坐席上。春風寒威凜凜。不知嚴游醉立門前。暮雪馬融弘開絳帳。有士爭趨侯芭。默契玄經。無人不。服。北斗以南。應有傑。事功從學術。做來東家之外。更無丘。道德由文章。炫出經義齋。治事齋。體用兼全。忠臣錄。孝子錄。綱常互振。李固不矜父爵。乃稱弟子之良。應生獨舉官銜。豈事先生之禮。便便大腹。弟子何嘲邊孝先。表表高標。吾儒還仰韓夫子。關謂橫渠。閩謂朱考亭。濂謂周茂叔。洛謂二程夫子。佛家以傳法為傳燈。隋于通教授于河汾之間。

弟子八百餘人。楊素甚重之。勸之仕。通曰。通有先人之敝廬。足以庇風雨。薄田足以具飢粥。讀書談道。足以自娛。不願仕也。卒諡文中子。後漢鄭玄字康成。教授門徒。齋舍前有草如薤葉。長尺餘。柔軟。時謂之書帶草。趙宋呂希哲教授門徒。取士者輒謂呂氏門下有實學。登科甲者計五十餘人。楊震事莊天道篇。士成綺見老子曰。吾聞夫子聖人也。吾固不辭遠道而來。願見百舍重胝。而不敢息。今吾觀子真聖人也。鼠壤有餘蔬。言食蔬之餘棄于鼠壤。不惜物也。後漢賈逵

通經術門徒來學不遠千里獻粟盈倉或云遠非力耕所謂舌耕者漢吳商故鄆人學通五經百氏四方來學者擔囊負笈不可勝數人謂其舌耕而食口織而衣臯比虎皮席也張橫渠坐臯比教門人講易程明道先生至謂弟子曰程易更精汝可師之故朱子贊橫渠云勇撤臯比比音皮橫渠先生教授門徒左史右經朝弦暮頌楊龜山從學于程明道先生及歸明道先生送之出門謂坐客曰吾道南矣漢丁寬受易于田何學成寬東歸何謂門人曰易已

東矣朱光庭見程明道于汝歸謂人曰光庭在春風中坐了一個月游定夫楊中立初見伊川先生伊川瞑日而坐二子侍立既覺顧謂曰爾輩尚在此乎及出門門外之雪已深三尺後漢馬融設絳紗帳前授生徒後列女樂事文類聚漢楊雄作太玄經鉅鹿侯芭常從楊雄居受其秘旨唐狄仁傑曾以明經訓世人謂之曰仁傑北斗以南一人而已漢邠原游學詣長安孫崧崧曰君鄉里鄭君學者師模也君乃舍之所謂以鄭為東家丘也原曰人各有

志所向不同君謂僕以鄭為東家丘則君以僕為西
 家愚夫耶崧辭謝焉孔子西家有愚夫不能識孔子
 為聖人乃曰彼東家丘吾知之
 矣崧言原捨鄭玄亦宋胡瑗教授蕪湖立有經義
 如愚夫不識孔子
 齋治事齋故常時從遊者既知文學又能政事云
 曾南豐先生輩教授弟子必集古忠臣為一錄孝子
 為一錄教之曰忠孝綱常最大者汝曹其識之漢
 李固郃之子也嘗改易姓名杖策騎驢負笈從師每
 到大學必密入公府定省父母不令同業諸生知其
 為郃子也汝南應劭自贊于鄭玄曰故泰山太守

應仲遠北面稱弟子何如玄笑曰仲尼之門考以四
 科回賜之徒不稱官銜劭有慚色後漢邊韶字孝
 先大腹或好晝眠弟子嘲之曰邊孝先腹便便五經
 笥但好眠便平韓愈關佛之教不讀非聖之書學
 者仰之如泰山北斗皆稱韓夫子

昔○吟○之○吹○泰○山○非○昔○酥○韓○夫○干○
 膏○卧○我○眼○
 夫○大○熟○近○汝○畫○知○兼○干○脚○之○日○盛○幸○夫○熟○時○五○盤○
 杯○回○恩○之○封○不○酥○官○滿○心○有○酥○心○
 熟○中○熟○小○而○酥○浪○干○何○吹○之○笑○日○中○風○之○門○昔○以○四○

賓主

門○無○雜○客○我○有○佳○賓○威○儀○棣○棣○曾○聞○曳○珠○履○之○華○功○勩○
 恢○恢○允○合○享○彤○弓○之○賜○杜○如○誨○可○稱○公○輔○王○珪○自○是○增○
 光○范○蜀○公○乃○曰○偉○人○薛○老○還○須○起○敬○趙○勝○選○二○十○人○交○
 楚○毛○遂○推○優○田○文○食○三○千○士○強○齊○馮○驩○稱○雋○漢○孔○融○坐○
 中○常○滿○必○然○有○禮○招○揀○唐○毛○仲○堂○上○全○無○定○是○乏○才○感○
 台○簞○擁○於○庭○魏○主○迎○時○常○款○款○轄○投○於○井○陳○遵○雷○處○更○
 殷○殷○美○矣○楚○元○王○設○就○穆○生○之○醴○酒○賢○哉○安○邑○令○餽○來○
 閔○叔○之○猪○肝○必○敬○必○恭○何○嘗○叱○狗○式○飲○式○食○敢○曰○無○魚○

謝安石。壘壘逼人。德操公。雍雍入室。滿堂雅樂。是誰隔。夏妓之簾。一榻清風。若個人。桓公之幕。公孫弘。開夫東閣。羨彼禮隆。陳元龍。臥以下床。怪渠氣傲。韓魏公。堂前有士。風流態度。得贈女奴。李文定。門下何人。新巧詩聯。乃逢天子。貴賓登陶侃之席。高堂剪下香鬟。急客至。曾子之門。慈室。嚙傷玉笋。席上燒紅燭。人亦有然。牆頭過濁醪。我曾乃爾。熊非清渭。逢何暮。無任悽愴。客有可人。期不來。豈勝慨歎。

晉王祥門無雜賓。族孫王戎嘆曰。太保可謂清達矣。

史記趙平原君使人于楚。春申君皆玳瑁簪。楚舍之于上舍。趙使欲夸已刀劍。悉以珠玉為飾。春申君客三千人。皆曳珠履。見趙使。趙使大慚。詩彤弓篇。彤弓超兮。受言藏之。我有佳賓。中心貺之。勸音異。勞也。

唐王珪母謂珪曰。兒必貴。然未知所與游者何如人。會房玄齡杜如誨至。母曰。二客公輔才。吾兒與游得人矣。聞見錄。薛居正知成都。一見范鎮。器之便館于府第。令與子弟講學。及還朝。載范公以去。或問曰。自成都歸。得何奇物。曰。蜀產不足道。得一偉人耳。

史記趙平原君欲合從于楚。選二十人在。得十九人。毛遂自薦曰。臣願備其數。之楚定約而歸。平原君喜曰。毛先生一言。使趙重於九鼎。大呂田文孟嘗君也。門下食客三千。一日使馮驩收債于薛。驩悉焚其。所遺券。歸曰。寶玉皆君之有也。今為市義以歸耳。後漢孔融為北海太守。後居家愛才。樂士。每歎曰。坐上客常滿。樽中酒不空。吾無憂矣。毛仲謂玄宗曰。臣未有佳客。上曰。知汝所不能致者。宋璟也。明日令宰臣悉詣毛仲宅。宋璟日中方至。飲不盡。扈稱腹痛。

而去。史記魏文擁篲以迎賓客。握手歡如平生。篲。以迎所謂掃徑也。漢陳遵好客。客至。畱之。脫車轄投井中。雖有急不得去。漢楚元王以白公穆生輩為賓客。穆生不飲酒。元王為之設醴。及王戊常設。後忘設焉。穆生曰。醴酒不設。王之意怠矣。遂去。世說補。閔仲叔含菽飲水。世稱節士。老病家貧。不能得肉。日買猪肝一片。安邑令聞之。勅吏常給焉。仲叔怪問其故。嘆曰。閔仲叔豈以口腹累安邑耶。遂去。客沛。曲禮云。尊客之前不叱狗。列女傳云。田文食客數千。

厨中有三列上客食肉中客食魚下客食菜茹
 謝安弱冠詣王濛濛曰此客壘壘為來逼人後漢
 司馬德操詣龐德公值其上冢德操入其室呼德公
 妻子使作黍徐元直當來就我與德公談妻子羅拜
 須臾德公還直入相就不知何者是客也夏坡事詳寵妾
 晉桓溫為大司馬將移晉室謝安與王坦之就見
 欲止其事郗超為溫謀士知安來入帳中聽忽風動
 帳開安笑曰郗生可謂入幕之賓漢公孫弘為相
 起客館開東閣以延賢人自惟食一肉脫粟飯而已

世說許汜與劉備共論人物許曰陳元龍淮海之
 士、衰、氣、不、除、昔、遭、亂、過、下、邳、見、元、龍、無、客、主、之、意、不
 相與語自上大牀臥使客臥下牀劉曰君有國士之
 名今四海橫流而無救世之意求田問舍言無可採
 是元龍所諱也何緣當與君語如我自臥百尺樓上
 臥君於地下何但上下牀之間哉韓魏公鎮中山
 有門客夜踰墻宿娼家公知作種竹詩云慇懃洗濯
 加培植莫遣狂枝亂出墻客詩云主人若也憐高節
 莫為狂枝贈斧斤公贈一女奴宋王奇漢為李文

定客文定薨章聖臨奠見屏間詩云鴈聲不到歌臺
 上秋色偏欺客路中上悅即名見許赴殿試謝詩有
 云不拜春官為座主親逢天子作門生晉陶侃家
 貧有客范逵者倏至侃之母湛氏乃剪髮易酒餽饌
 遠嘆曰非此母不生此子前齒指事見柳子厚與
 客夜飲作詩云席上燒紅燭樽中泛綠醅好懷千萬
 種今夜為君開至鄰人密醪以助之趙平叔
 客漣水軍郡守名置門下數年後趙以學士守漣水
 繼者名其堂為豹隱石曼卿詩云熊非清渭逢何暮

龍臥南陽去不還年少客遊今郡守蔚然疑在立談
 間陳師道詩書當快意讀易盡客有可人期不來
 世事相逢每如此好懷百歲幾時開

